



سبائك السبائك

تأليف الحاج معين السبائك

الجزء الأول



سبائك السبّاک

جميع حقوق الطبع محفوظة للمؤلف

الطبعة الثانية

١٤٢٨ هـ - ٢٠٠٨ م

الديوان : سبائك السبّاك

المؤلف: الحاج معين السبّاك

المطبعة: بهمن

ناشر: بهمن آرا

تعداد النسخ : ١٠٠٠

شابك : ٩٧٨-٩٦٤-٨٨٥٩-٦١-٤

سبائك السبائك

تأليف

الحاج معين السبائك

الجزء الأول

بِسْمِ اللَّهِ الرَّحْمَنِ الرَّحِيمِ

الأهـل

لك يا سيدي و لأهل بيتك صلى الله عليك و عليهم أهدي هذه
بضاعتي التي ارجوها سيباً إلى الوصول لمرضاة الله و لا أشرك بهذه
البضاعة أحداً غيركم لأنني لا أوالي إلاك و أهل بيتك و من و الأكرم
كما يا أبا الزهراء يا شفيعي لا أوالي من عداكم و لا أوالي من
و لا اعدائكم و شاهدي كما تعلمون لم ينطق لساني ولم تتحرك
شفائي في غير حبهكم أهل البيت (صلى الله عليكم).
منذ صباي علمت أنني شاعر لذا اوقفت شعري لك و لأهل بيتك
فتقبلوا مني اليسير يا شفعاثي في ذلك اليوم العسير.

الحاج معين السباك

ترجمة الشاعر

الحمد لله رب العالمين وصلى الله وسلم على سادة الانام
محمد المصطفى وآله الطيبين الطاهرين.

لقد كان للشعراء والأدباء مساهمة كبيرة ودور لا يفغل في
تكوين أدب الطف، وذكر وقائع كربلاء، وكان لهم الفضل
الكبير في ترسيخ العقائد الصحيحة في نفوس الناس، وتوجيه
قلوبهم إلى مظلومية أئمة أهل البيت عليهم السلام وأحقيتهم من خلال إثارة
عواطفهم واستدرار دموعهم، وإشجاع قلوبهم بهذا اللون الرقيق
من الشعر والأدب الطافح بالمحبة والولاء لأبناء خير من وطئ
الأرض محمد صلى الله عليه وآله.

والذين زاولوا هذا الفن وأحكموا سبكه نظماً وقرضاً،
وعرفوا أوزانه وقوافيه كثير، إلا أن الذين سحروا النفوس
وأطربوها، وهزّوا عواطفها وأهاجوها قليل.

ومن هؤلاء القليل شاعرنا وأديبنا الحسيني المرفه الحاج
معين السباك الكعبي النجفي، حيث عُرف برهافة حسه، ورقة
طبعه، وقوة شعره العالي المتضمن للمعاني السامية المبتكرة
والمصائب الشجية مع متانة وروعة في السبك والتركيب مما جعل

له مكانة قلّ ما تجد خطيباً أو رادوداً حسينياً ذواقاً لا يردد
له شعراً من ذُرره الثمينة، وجواهره المنضودة التي تسيل رقّة
وعذوبة.

نسبه:

هو الشاعر الحاج معين بن الحاج عبدالرضا بن الحاج حبيب
المعروف بـ(السباك) وهو من قبيلة بني كعب الشهيرة.

ولادته:

ولد شاعرنا المترجم له سنة ١٩٢٧م في مدينة العلم والعلماء
التجف الأشرف وقد ترعرع على يد والده المرحوم الحاج
عبدالرضا ونأ نشأة طيبة اتصفت بالمحبة الصادقة لأهل
البيت عليه السلام ثم التحق بمدارسها الدينية والأدبية، فدرس فيها
النحو والصرف والمنطق والعقائد والفقه وغيرها من العلوم، انتهى
الشيخ معين من معينها العذب ما شاء حتى أصبح مؤهلاً لحمل
رسالة الإسلام ونشرها بين الناس.

شاعريته:

شاعرنا المترجم له غني عن التعريف بشاعريته فقد تغنى
بشعره الأدباء ورددته المحافل الأدبية والحسينية، والحق إنه شاعر

مجيد، قوي الديباجة جزل الألفاظ، مبدع الخاطر، مرهف الحس، أديب ضارب بسهم وافر من الأدب، يحمل نفساً كبيراً وروحاً وثابة، وقلبا مفعما بحب النبي وآله الأبرار عليهم السلام وله لفتات قد لا يزاحمه عليها غيره من الشعراء وديوانه هذا يُعرف لك عن تضلعه وإبداعه وقوة شعره وشعوره وولائه . بل ذوبانه . وتجد في شعره من اللوعة والحزن والألم والحرقة المنبعثة من قلب مكلوم لمصائب آل الرسول عليه السلام .

لقد عرفته شاعرا متفوقاً مجيداً يمتاز شعره بالعدوية والرقّة وابتكار المعاني ودقة التصور، وجودة السبك، سريع البديهة، ربما يرتجل الشعر دون تأمل طويل، وكثيراً ما ينظم من الأبيات عفو الخاطر، مرح الروح، مطبوع على حب الخير وعلى حب الأدب انطباعاً يشير إلى ذكاء ونبوغ وهو صاحب فضل وأدب، وله جزءان من الشعر، الأول: عنوانه (معين الحاج معين) في الشعر الفصيح، والثاني: (سبائك السباك) في الشعر الدارج.

وقد عاصر جمعاً من كبار أدباء العراق وأعلامهم وكانت له معهم علاقات وثيقة ومجالسات ومساجلات ومؤانسات، منهم:

١ . عميد المنبر الحسيني آنذاك العلامة الشيخ محمد علي

اليعقوبي قدس سره وكان أستاذاً له في الشعر والأدب.

٢ . الخطيب المرحوم العلامة الشيخ محمد علي القسام قدس سره

وكان أستاذاً له في الشعر والخطابة.

- ٢ . آية الله العظمى المرجع الشيخ هادي زين العابدين قدس سره
وكان أستاذاً له في الفقه والعقائد واللغة.
- ٤ . الشاعر المرحوم الحجة الشيخ عبدالمهدي مطر قدس سره
وكان أستاذاً له وزميلاً.
- ٥ . الشاعر المرحوم الحجة الشيخ عبدالمنعم الفرطوسي قدس سره
وكان أستاذاً له وأباً روحياً.
- ٦ . الشاعر المرحوم حسين الأديب زميلاً حميماً.
- ٧ . الشاعر المرحوم الحاج محمد جواد الراشد شاعر
العقيدة زميلاً حميماً.
- ٨ . الشاعر المرحوم السيد عبدالحسين الشرع زميلاً.
- ٩ . الدكتور الشيخ أحمد الوائلي قدس سره وكان زميلاً له
وعاشقاً لشعره وأدبه.
- ١٠ . الخطيب المرحوم الشيخ هادي الخفاجي الكربلائي
مقرباً لشعره وصديقاً له.
- ١١ . الشهيد العلامة الخطيب الشيخ عبدالزهراء الكعبي
قدس سره مقرباً لشعره وصديقاً له.
- ١٢ . الخطيب الحسيني السيد جاسم العسرداوي
الطويرجاوي، ناعي الطف، كان صديقاً حميماً وأغلب قراءة
شعره للسباك.
- ١٣ . الشاعر المرحوم حسين حمزة أمين زميلاً حميماً.

١٤ . الشاعر المرحوم رسول محي الدين زميلا حميما .

أما غير هؤلاء فكثير لا مجال لذكرهم في مثل هذا المقام .
وقد أعقب شاعرنا السباك رحمته نجلين اثنين هما (أمير
والشيخ حسنين) دام بقاءهما . وهما من الشباب المتدين الذي يحمل
قدرا كبيرا من الولاء لآل محمد عليه السلام .

أما في مجال الخطابة الحسينية فإن الشيخ السباك احترف
الخطابة منذ السبعينات وقرأ في مدن كثيرة في داخل العراق
كبغداد والكوت والبصرة والزيبر والخالص وكربلاء والحلة
والديوانية والسماعة والنجف كما كانت له سفرات خطابية إلى
خارج العراق ، فقد أرتقى أعواد المنابر الحسينية في مكة
المكرمة والمدينة المنورة وسوريا وإيران .

ولقد حلق السباك وتميز في مجال الخطابة الحسينية
فكان يسحرك بجمال بيانه وأسلوبه وعذوبة منطقه ويلقي
للسامع لذة ومنتعة فهو منبري لودعي وأديب عبقري وشاعر لامع قد
جمع ووفق بين متطلبات الظرف ومقتضيات العصر إذن فهو
خطيب يرضيك بفضله واستقامته ونقاء أسلوبه .

لبي نداء ربه ليلة ٢١ . ذي الحجة / سنة ١٤٢٣ هـ وأجري له
تشيع مهيب في النجف الأشرف وكربلاء المقدسة ودفن في وادي
السلام .

وكذلك أجريت له مجالس الفاتحة في مدن كثيرة في
كربلاء وبغداد والبصرة والحلة وكذلك في مدينة قم المقدسة
وفي منطقة السيدة زينب عليها السلام بسوريا، فسلام عليه يوم ولد ويوم
مات ويوم يبعث حيا.

تقريض الشاعر الاديب الأستاذ السيد سعيد المقرم الموسوي
لديوان الشيخ معين السباك رحمته.

.. بقلم ..

أحمد الكمي الطويرجاوي

تقريض الشاعر الأديب الأستاذ السيد
سعيد المقرم الموسوي لـديوان الشيخ
معين السباك رحمته:

دموع تحت قوافي السباك

يَراَعَكَ أُمُّ فِؤادِكَ نَسْتَبِينُ
سَقاكَ دَمُ الحَسِينِ رَحيقَ وِدْ
واثِرَ وِتينِه المَقطُوعُ ظُلماً
فَرُحَتَ تَصوِغِها دُرّاً حِسانا
تَمَرُّ على القلوبِ نَشيدَ حُزْنِ
فإنْ هاجتْ شُجونُ الطِفْرِ قُلنا
فَكُلَّ مِنْهُما كَدْرٌ حَزِينُ
فأينَعُ في الضميرِ هوى دَفينُ
تَقطَعُ بالأسى مِنْكَ الوَتِينُ
تُغَلِّفُها المِدامِعُ والأَنِينُ
فَتخشَعُ للمِصابِ وتَسْتَكِينُ
أَعنّا في رِثائِكَ يا مُعِينُ

الشاعر الاستاذ

السيد سعيد المقرم الموسوي

بِسْمِ اللَّهِ الرَّحْمَنِ الرَّحِيمِ

قل لا أسألكم عليه أجرأ إلا المودة في القربى

الأمه أدتلك عوض تعبك أجزر
بيو الزهرة بيوم عاشور الظهر

الأمه أدتلك عوض تعبك أجور
عاشر بعاشور لعبة خوش دور
خيل تسحك عاليتامه وعالصدر
وخيل تهجم عالخدر بالحجي المر

وانت حاضر بالنبى بوادي الطفوف
وتدري بالصار وجره وعيك نشوف
خيل وسياط وحريج وضمه وخوف
والحریم تجول من كتر الكتر

امتك جازتك يا سيد الأنام
صياطهم تلعب على روس الأيتام
والخيام انجان تتشد عالخيام
مو خيم يا المصطفى صارت جمر

من امتك هذه الجزه بالمصطفى
خدرك بطف كريلاج ونطفى
يبو الزهره وهاي ساعات الوفه
بدت من طاح ابو اليمه من المهر

يبو الزهره وبعد من چلچل الليل
وخمد صوت المعركة وچلة الخيل
والعقيلة اطلعت مهدومة الحيل
خاويه ومنها انهدم ركن الصبر

خاويه وتسحك على جمر الخيم
والدموع من الدليل تسيل دم
اشلون تكدر تجمع أطفال وحرم
الفاجده والحاييره وليلة ذعر

ابليل هد عش وشلون انكضه
عاليتامه اوعا الحرم ضاك الفضه
بالاحزان تصيح بت المرتضى
خايفه من الفجر لا طر الفجر

فجر لا طر يا النبي اولاح الصباح
وجابو الهزل وحادي النوك صاح
نريد للكوفة وصدك للكوفة راح
وانه رحى ميسره وي أهل الفدر

الحال ما يخفاك يا سيد الوره
ميسره وحسين اخوي على الثره
بالشمس وعضام صدره مكسره
والموادع صار بدموع الحمر

يا النبي هذا الجره من امتك
جازتك ما كصرت من جازتك
لا كتابك حفضته ولا عترتك
وعكس ما وصيتهم صار الأمر

زينب وخروجها من المدينة

زينب صوتت يحسين يبن أمي على هونك
اشوفك عالسفر عازم وين تريد بضعونك

وين اتريد بضعونك أشوفك عالسفر عازم
وشوف اباب ديوانك تتباشر بني هاشم
سفرت خير مبروكه عسه تروح وترد سالم

الله بسـفرتك يرعاك

يبن امي النصر وياك

ماني معارضة ابمسواك

انت الترشد الوادم وما يحوج يرشدونك

ماني معارضة بمسراك توكل راشده نيتك

وخل كل خوتك وياك تمشي وكل اهل بيتك

لاچن يا فخر هاشم تدري اليا سبب جيتك

اجيت اعرف شني كصدك
ترحل عن وطن جدك
دارك تضل من بعدك
مضلمه بهاي وفادك ماظنهم يعذرونك

حكها ام الخدر زينب ولها وعالسفر تنشد
وتخاف على وليها عن الوطن من تبعد
من تطلع وي الوليان من يثرب ابيش ترد

صاحت وين اخوي حسين
با صرني بنور العين
وجه اضعوته لا وين
ارد اعرف سبب مسراك عن يثرب ومضمونك

اخبرج كال يا زينب عن هالسفر والاسباب
اجتته امن العراقك طروش وي اثنعش الف كتاب
كلها امبايعه انه وكلهم يدعون احباب
يختي واعلنت مسراي

لـيـهـم وـخـوتـي وـيـاي
صـاحـت يـا وـسـيـع الـرـاي
خـافـن مـن تـصـل لـيـهـم عـن اـخـتـك يـفـرـجـونـك

بـعـد وـالثـانـيـة يـحـسـيـن اـرـيـد بـهـالـسـفـر وـالـي
بـيـخـتـنـي عـلـى هـا لـمـسـوه وـطـول الـدـرـب بـيـرـالـي
بـالـعـرـاك الـفـرـاك يـصـيـر يـبـن اـمـي اـيـتـرا وـالـي

أبـي حـارـس وـسـع رايـه
عـلـى راسـي يـنـشـر الـرايـه
يـرـوح اويـرـد وـيـايـه

وـما يـحـتـاج يـبـن اـمـي بـخـدر اـخـتـك يـوـصـونـك

سـمـعـها وـكـال يـا زـيـنـب جـفـيـل انـجـانـج تـرـيـديـن
يـزـيـنـب هـذا اـبـو فـاضـل عـودـج عـيـنـه تـعـيـيـن
اـهـو يـتـكـلـف الـمـسـرـه يـخـتـي اـبـهـاي شـتـكـولـيـن

ولـن عـبـاس اـجـه مـسـرـع
لـخـتـه وـنـور وـجـهـه يـشـع

باسم مطوس ومدرع
هلايك نادته بالكون هذا انت اليهابونك
يزينب صاح ابو فاضل انه اتكلف المسره
وانه الثايتج حماي وانه الخدر بيه ادره
لضحى ابمهجتي دونچ بيت الطاهره الزهره
بعد المن تريدونى
هم انه ويوصونى
على خدرج لتلف عيون
وزينب سمعته وصاحت عساها سالمه عيونك

عساها سالمه عيونك وانت من الخطر تسلم
وما غيرك ببو فاضل حنين وبالخدر يهتم
لاچن يا بدر عدنان لا تنسى الكلب يعلم
وحس بلخطر دلالي
وجن الكدر بيرالي
أحط ايدي على يا والى

من أوصل لوادي الطف وعني من يغيبونك

ابو فاضل يره زينب متوجله وصاح بصوت

ما يكدر يغيبني عن خدمتج غير الموت

او من شان الزلم يختي يوهو تخت يو تابوت

وانه الخدمتج مضخور

يختي وللخدر ناطور

وحك ضلع امج المكسور

طلعنه وصحت عيني وچفيني بلخدر دونك

ليل الوداع

هاي ام الحزن زينب الليلة تودع اخوتها
تهل مكسورة الخاطر بالتوديع دمعتها

هاي ام الحزن زينب من جن ليلها ومست
شافت كل بوادي الطف بجيشو العده نجدت
زينب بالهزم والضيم والشر روحها حسنت
او وجلها زاد ونضامة
وتحاجي روحها كامت
يا فرحة الما دامت

أضن هاي الزلم والخيل على جتل حسين جيتها

زينب كصدت السجاد لاجن ما بها كل حيل
عكب ما سلمت كعدت تكله والدموع تسيل
يعمه كل لبوك حسين عن هالدار خله يشيل

يعمه خايفه منها
بيها الشر اشوقها
خله يرتحل عنها
يا عمه وشوف الدار وحشه وحش منبتها
زينب وي علي السجاد تحجي وبكت ناظرها
تتوسل تبي ترحل وهي مكسور خاطرها
ساعة ولن ابو السجاد اجه وبجيته سرها
على اخته ام الحزن سلم
ويمها كعد وتبسم
وجلها عنها الحزن والهيم
وحاجاها وسلاها وناشدها على راحتها
لعوده صد علي السجاد عن الحال يحجيله
كسرت خاطري عمتي شفتها المدمع تسيله
وتكلي كل لبوك حسين خل يشيل هالليله
وتريدك يبن حامي الجار
الليله تشيل عن هالدار

تخاف من الصبح لو صار
هاي الخيل والجيمه عليه تصير هجمتها
كال حسين للسجاد وزينب جاعده وتسمع
يبويه من ارحل بهالليل أخاف عليك تتصدع
وباچر يا علي يبني ليك أمر الحرم يرجع
الرحيل يصير تكليفك
تضل يو ترحل بكيفك
انه بهالمسه ضيفك
ولو طلعت شمس باچر أغين كبل غيبتها
من سمعت بحچي حسين زينب خلت وكأمت
تتراجف مفاصلها يولي وروحها هامست
زينب ليلة العاشر هذاك الليل ما نامت
من سمعت بحچي حسين
ما غمضت الزينب عين
تصوت وين اروحن وين
عكب اخوتي وهالعليه الوطنها اشلون ردتها

قصر العشرة وزينب

وين اللي كفل زينب وحط يمينته يمينتها
تريده اليوم برض الطف على كل حال بيختها

زينب كَصَدَّت العباس والهَم كَصَد وياها
وحين الشافها العباس تتعثر بيمشاهها
طلع من خيمته مفضب والزينب تلكاهها

هله يا زينب يكلها

هله يا سلوتي كاهها

وزينب لعبد جافلها

صددتوالكلب داوي وختنكت بعبرتها

زينب والكممر عباس تكله بين حامي الجار
سمعت حسين اخوك يكل احنه ابها لمسه خطار
يخويه ولازمه كَلْبِي وخاف من الصبح لو صار

انه مخدره تدري

وانت مكلف بخدري

عكبك ما ردت عمري

الحرمه عكب ولياها مو تسواش ضلتها

يسمع زينب العباس العباس وعينه من الزعل حمرة

يكلها بشاربي خدرچ يا زينب ودك صدره

يمخدرت حامي الجار وحك ضلع امچ الزهره

لفني اركأبها دونچ

اخوچ وكأرت عيونچ

لا لا ينخطف لـونچ

يزينب والعساچر هاي باچر كون اشنتتها

العساچر كال انتها صل وكام يطوه

وحن السمع حچي اخته هاج وهزته النخوه

وزينب نادته بهونك يا والي الحرم تكوه

هـود يـبن دامي الباب
تكله والدليل انعاب
حچي وياك الي وعتاب
يبو فاضل وسولفلك تكله وتجر ونتها

اسولفلك يبو فاضل عودك ليش راد امك
وعن طيبة نسب حره ابونه من نشد عمك
انت غايته منها والهالنايبه ضمك

ابونه المثل هذا اليوم
رادك ضخر يا جيدوم
هاي الخيل هاي الكوم
وهاذي كربلا وعودك وصيته هاي ساعتها

اغتاض وكال يا زينب شنهي الخيل وتهمچ
اخوج وصارمي بيدي فنه اليكجم خيمچ
وحك الحسن يا زينب وچبده وكسر ضلع أمچ
لخلي جموعها طشار

وخلي النايحة بكل دار
وخلي كربلا تذكرها
وخلي الناس جيل جيل ما ينسون عملتها

وثلاث تنعام ابو فاضل مثل ما كال سواها
فنه ذيچ الزلم والخيل تموج مروج خلاها
وزينب واجفه وتشوف وبعباس تتباها

ساعه وطاحت الراية

من اخوها على المسناية

طاح وضلت الثانية

طاح وصاح ابو فاضل يا زينب وهضمتها

طاح وصاح يا زينب يختي العذر لله وليچ

لون ايدي تلوح السيف ما جان العده توليچ

يزينب هامتي وعيني ويميني ويسرتي تضديچ

يزينب من توفيني

وحياة امچ تعذريني

وسهم النابت بعيني

يزينب من تشوفينه جان الجبدتج فتها

عذرتك يا كمر هاشم وانت اريد تعذرني

چنه وما چنت ترضه بني عدنان تنظرني

وهسه بين هاي الكوم تهظمني وتيسرني

وبعد يالبيك اشيل الراس

متحيره شكك للناس

انسبيت وچافلي عباس

طلعنه ورايتك تخفج علي كل عين شافتها

ليل الوداع

يبو زينب تعال وشوف حالت زينب الليله
وشوف حسين يا بو حسين يتوادع وي العيلة

يبو زينب تعالي وشوف زينب مثل هذا الليل
تكاثر يا علي همها ودمعها من الدليل يسيل
ليل موادع الخوان زينب هدم منها الحيل

مو بس حيلها مهدموم

ولا مر بجفنها النوم

تصوت والكلب مالوم

وتريدك لهذا الصوت يا بو حسين تصغيله

هذا الصوت تصغيله وزينب شوفها شعدها

خافن صارت بشدة يا حاطر شدايدها

تصعب ليلة التوديع على زينب يوالدها

آيا ليلة التوديع
تقطع بالحبس تكطيع
باجر واليتامه تضيع
علي لحك علي زينب وهمها من الكلب زيله

علي لحك علي زينب علي وبكريلا تحظر
تسمع ويد الموادع وتسمع ضجة الخدر
حريم تودع الخوان وعليها داير العسكر

هم عيونها تغمض
المض بيها الموادع مض
يساعدها البخت والحض
ويضل حسينها سالم وين الله ويشد حيله

علي يا بوي هذا الليل بحسره وحزن خلاني
سهرانه وأون وجري الدمع بفراك خواني
ومجموعه أخوتي بهالليل كلها بوسط صيواني
يبويه والموادع صار

الليله والدموع اعبار
شسولفلك يحامي الجار
هذا لليل انت اعرف بتحليله وتفاصيله

هدم جم حيل هذا الليل وتفجر بي أشجم مدمع
ليل موادع الوليان يلذع بالجبند يلذع
اخاف من الفجر لو طر وأخاف من الشمس تطلع

يبويه الصبح لو صبح
والوليان تتذبح
تصير خيامنا مسرح
العدو لخيامنا يوصل بنار الحقد وبخيله

شسولفلك أشراح يصير وأنت اعرف ببو زينب
باچر ما يضل صيوان الأ النار بي تلهب
وبناتك يا علي باچر تتيسر وتتسلب

تتراكض بوادي الطف
وممن الخوف تتراجف

ودمع عيونها ما جف
او ذاك الخدر ذاك العز بالذل صار تبديله
العز راح خدري إنباح وانه بين خيل ونار
وصد الخيمتي تلهب ومنا عيلتي طشار
عتبي على خوتي يولا عليك اعتب يحامي الجار
بيويه والعتب شيفيد
وبناتك هاجه بالبيد
طريج النجف موش بعيد
أبوي اشعطله عني اوشنهو سبب تعطيله

ابوي شاعطله والخيل وصلته وتشنتته
وشنعتب على خوته كلها مذبحة أخوته
ردنه حاضر الشدات ابونه يحظر شدته
ما بين خبر منه
أبونه ولا نشد عنه
وبكيت بدمع وبونه

وانه بين خيل ونار يبويه وكّلت الحيلة

هذا الي جره بالطف وهذا الصار يا حيدر

وهذا الّتي حجّيته وياك والّتي ما حجّيته أكثر

علي يا بوي بين الكوم اشلون أتيه الخدر

وغده ذاك النهار أضلم

من دخان المخيم

والعدوان ما ترحم

يا ويله الباريله عدوه الف يا ويله

زينب يا أمير المؤمنين

زينب يا علي زينب الخيل من اوصلت حدها
ليك اتوجهت تنخاك وتحشمك يوالدها

زينب يا علي زينب من كوضت ولياها
طلعت والمهر عاري يا حيدر تلكاها
صاحت طاح اخوي حسين صاح المهر وياها

يزينب طاح ابو اليمه

يزينب سابع بدمه

يزينب خل نصل يمه

وناخذ ماي ويانه چبدته العطش ما ردها

زينب للمهر كالت وهي على الهضم جمضه
يمهر حسين اروح وياك اخاف حسين ما يرضه
ومنطلع خيالي يصير لعيون الزلم عرضه

أخوي حسين ما يقبل

وخاصن يالمهر يزعل

لاچن اوچب على التل

وأنده وين أخوي حسين بلچن يسمع الندها

كالالمهر يا زينب اضنج ما بكالج راي

ابن امچ وكع ويصيح اريداً يهالوادم ماي

دجيبى الماي يا زينب وانه الاخذج وياي

ويشرب والسد سـكـينه

ومن يشرب يفك عينه

ونجعه وياجينه

وبمعصيج يا زينب اجرروح التكلف انشدها

زينب للمهر كالت يمكدر مرّدت چبدي

تكول حسين يطلب ماي وأنه الماي مو عندي

يمهر حسين وحدك روح خبره وانه ضل وحدي

يمهر حسين أضل اتاك

انچان اترىدني وياك
اريد اترىض بممشاك
يمكدر حيل ما بيه المثلي الله يساعدها

مشت ويه المهر زينب يهد الحيل ممشاها
تبجي والمهر بيبيو الحمله على مباحاها
دلاها على خوها حسين شكول شلون دلاها

حرمه ولفنت واليهها

عدها هموم تشچيها

تحاچيه ما يحاچيها

لاچن قسمت على حسين بمها وعودها وجدها

بخويه بجاه جدي عليك وجاه أمك تحاچيني

بخويه من عكب عيناك لهلي من يوديني

بخويه اكعد وباصرني وعلى الراي دليني

بخويه عيالنا هجت

بخويه طفلاننا سجت

يخويه خيامنا وجت

يخويه أكعد وطفى النار وخيول العده ردها

فك عينه بوجه زينب شكول اشلون فك عينه

شاف النار وي الخيل بموسط صواوينه

وتهيج صاحب الغيره على هضمت نساوينه

ما چانت على باله

حي وتولي عياله

على أبو السجاد هالحاله

امض من العطش والحر وأمر من الجتل وادها

التفت لخته يحاجيها يزيب كاله اشجابچ

يختي العيلتج ردي تتيه الحرم بغيابچ

ردت لا چن أشردت على بن امها الجنه شابچ

والله الفخر الهما وبس

بيها حيل تتنفس

تتجلد وتتحمس

تشوف اطفال مذعوره وتشوف الخيل تطردها

زينب ردت من حسين تعال وشوفها بيا حال

تكفكف بيد دمعتها ويبد أمو سره الدلال

الف عفرن على زينب وعفيه الها جدم ينشال

حرمه غدر بيها البين

اوفرها انشده بين اثنين

ما بين الحرم وحسين

شتدبر اوشتعبر وهي حرمه وحرم عدها

لخوها راحت وردت، وبخيمها تشب النار

رادت من يطفى النار شافت ما حصل نغار

صاحت لچن مفتاضه اضخر لا يحامي الجار

شنهى من صبر صبرك

علي يا واليد اشبصرك

بيويه بهاي ما عذرك

بناتك صارت بشده ونت حاضر شدايدها

علي يا واليد منته الحمه ويوم الشدد مندوب
يبويه الصبر فصلته ثوب وركد هذا الثوب
يبويه حسين إخوي اجتل وعزي الباطن منسوب

وهاي الحرم شيلما

اوشبت نار بخيمها

وراح اللي تزمها

يبويه الليل لو هوّ ياهو اللي يهوّدها

زينب في اليوم العاشر

انده وارد اوجه انداي يم المرتضى حيدر
وحچيله على هظم الطف يسمع هالحچي يكر

اريد احچي على هظم الطف واريد المرتضى يسمع
وكله عكب عين حسين العسكر عالفواطم دع
ولن بين الزلم والخيل زينب يا علي تطلع

تصيح وتصفج الجفين

يهل الله الطريج منين

اريد اوصل لخوي حسين

واخذ معصبي بيدي واكله راحت الخدر

اكله راحت الخدر لخويه وانتظر شيكول

واكله جيتك وخليتك على خيامك الخيل تجول

يكوم انشا الله وياي اخوي انچان مو مچتول

يحيى در هاي حالتها
غريبه وفاجده اخوتها
تعال وشوف مشييتها
تكوم وتوكع وتتده احظريا علي احظر

احظريا علي تنده ولا هاشمي اليسمعا
على خوها تنشد العدوان زحمة الخدر يمنعا
تالي توجهت للتل وجمر الهظم يدفعا

مشت زينب على كل حال
ولو ما چانت على البال
صاحت هاي ما تنشال
كلفه طلعتي كلفه يبويه بين هالعسكر

مشت زينب تريد التل ولعيون العده بان
عليها كلوبهم لاننت وعليها هاي ما هانت
زينب واجفه على التل هاي ابالمن چانت
فوك التل تكع وتكوم

وعلى مصرع وليها تحوم
ول ول يا زمان الشوم
هاي ام الخدر والعز بالوديان تتعثر

يحيدر زينب على التل شدة حيلها او وكفت
الخيما تلتفت نوبه ولخوها نوب تتلفت
تصد للخيم تلهب نار وبحسين العده حففت

تعال وشوف بيها شصار
تصدر للخيم تلهب نار
تصعد لعيالها طشار

وتصد لحسين راح حسين من هاي اشبعد شكتر

زينب بكت محتاره لخوها تروح شيردها
ولو راحت لخوها تخاف عن الحرم ينشدها
زينب بين اخوها حسين وعياله الدهر شدها

لا تكدر تصل لحسين
ومتدري الحرم هجت وين

ضلت بس تدير العين
مذهولة وتشوف النار بخيام الحرم تسعر
زينب صاحت ابحركه وغدت تعتب على ابن امها
تكله مخدراتك هاي شبّوا نار بخيمها
يخويه اطفالك الهجت يبو السجاد شيلمها
واختك ركّد منها الحيل
وتتلفست بين الخيل
والي اتريد كبل الليل
يلم الخدر ويجمع اطفال التايهه بالبر

بجت وتصيح وين حسين اخوي انجانك حي كوم
على بختك يبو السجاد بين امي ولتته الكوم
ناداها بضعيف الصوت يختي الامر ليح اليوم

أعيالي تـوزمي بيها
والاطفال احفظيها
يزينب عيـنج عليها

يختي ومن عكَبَ عيني عينج عالحرم تسهر

ومن چلچل عليها الليل زينب جمعت العيله

وسكنه اكدت يم رمله وام چلثوم يم ليله

على زينب ليله المرت شكول أشمرت أشليله

تون زينب ومهضومه

كأمت كصدت الحومه

صاحت يخوتي نوميه

وعدكم حرم سهرانه وعليها العده تفتتر

زينب وهرورها على مصارع القتلى

زينب تعتب وتنده يمن بالبخت جبتوني
جاوين البخت وشلون بين اجناب عفتون

بين اجناب عفتوني اعتب والعتب شيفيد
وهاي النوك جابوها هزل والطريج ابعيد
صحت يوم اكبل الحادي يحادي النوك وين تريد

مايك رحم بالجمال

اشلون امشي على هذا الحال

عندي اطفال عندي عيال

وانه مكلفه بيهم اخوتي بهاي وصوني

وصوني وعافوني خواني وعلانني الذل

وشوف الحرم فوك النوك ترجف والدموع تهل

حكها الفاجده الوليان من الاجنبي تجفل

وبه الغرب تمشي شلون
بهاي الناس شيكولون
عليّ خاف اخوتي يعتبون
اكلهم غصب راح امشي بهاي اخوتي يعذروني

بهاي اخوتي يعذروني عنهم ماشيه كوه
ويضل فوك الثره مطروح وين البيه المروه
وانه اصرخ ييو فاضل يا من خوتك خوه

يخيويه نظيت حك السيف

تبكّه بلا دفن يا حيف

ويصبح خدر زينب طيف

ومن عكبك ييو فاضل عدوانك يياروني

عدوانك يياروني بطريج الما عرف وصفه

ولا واحد من الوليان دخن عالحرم جتفه

ردت بدر الهواشم حي وشوفن رايته ابجفه

وصوت يالولي حياك

يخويه الحرم تترجاك
جبته من المدينة وياك
تعالى وشوف حالتها وحط جفك على متوني

يجيني برايته وسيفه ويلتم الشمل هيهات
وينشف دمة عيوني جفيلي مردم الكلفات
أجفوفه ورايته وجوده ضلن فوك المسنات

وخوي حسين عالفبره
عاري وهشمو صدره
وخوته وصحبه بكتره
وانه على الهزل زينب عساهم لا يشوفوني

انه على الهزل زينب وخوتي على الثره نومه
بين الكطعوا اجفوفه وبين السلبو هدومه
حادي النوك ما انصف مر بينه على الحومه

وشفت الجثث بعينوني
شفتهن ونخطف لوني

صحت يا ناس خلوني
اضل يم اخوتي والكوم عيو ما يخلوني

لن حادي النياك يصيح يالبالخدر معروفة
ما واحد خيالچ جان بيت المرتضى يشوفه
شتكولين يخت حسين راح انروح للكوفه

ايام الخدر راحت
وزينب سمعته وصاحت
عتبه وللعبدو لاحت

ومن عكب الخدر يردون للكوفة يمشوني

صدك عكب الخدر لني ذليله مهبطه للراس
وطوف ايلدت الكوفة وتتفرج عليه الناس
لن الوادم يكولون هاي اخت البطل عباس

آيا هضمت الهضمه
عكب الخدر والحشمه
عليه الناس ملتومه

وينشدوني على الوليان واسكت من ينشدوني

راح الخدر والوليان راح يا العلي وذليبت

بعد والمجلس بن زياد ارواح بهاي ما ظنيت

حكي يا بني هاشم اعتب عالعدل والميت

انه مخدره تدرون

اذل يهل الشيم ترضون

لون عن حالي تنشدون

بهل الشرف والغيره بالديوان تلكوني

زينب مع علي السجاد

عمه يا علي السجاد صاحت زينب الكبرى
لبن أُمي حصل دفان يولا ضل على الفبره

عمه يا علي السجاد لخويه ما حصل دفان
يدفن جثة بن أُمي وعلى الزهره يسوي احسان
ما شفته يضل ميت ثلث تيام على التريان

ما واحد تدنالاه

وعن حر الشمس شاله

عفت الولي بهالحاله

اخته ولاج كَلبي عليه وكَلب الاخت شيصبره

يعمه عادت المچتول يدفتو ما يضل مرمي

وخوي على الثره عفته مطروح وكثر همي

مهو بن اُمي وجنت بحما عمت عيني على بن اُمي

رحلت ميسره وعفته
وبكت فوك الثرة جثته
ما يدري شجره على أخته
فكد وليانها وعزها وشماته ومبعد المسره

يعمه الله يساعدي حكّي لو كثر وني
يعمه حسين ابوك يريد حفظ العايله مني
وانت من الظهر لساع يا عمه غبت عني

غبت عني ودليل نعباب
وصحت وين بن اخويه غاب
يعمه الغيبتك اسباب
وهسا جييتني تعبان جنك جاي من سفره

يعمه من الظهر لسا دكّي جنت غايب وين
سمعها وهاجت احزانه ودمه سالت دموع العين
ناداها غبت عنج رحت يم جسم ابوي حسين
رحلت الوالدي شففته

ثث تيام فاركته
يعمه ودفنت جثه
ورضيع الباسهم مفظوم وسدته على صدره

وأخبرج بعد يا عمه دفنت انصار أبوي حسين
كلها وكل أهل بيته وعساج انشا الله تأمنين
وزينب سمعته وصاحت علي الأكبر دفنته وين

تدري بوالده يحبه
شباب وفركته صعبه
يكلها ونمرد كلبه
علي الأكبر يعمه صار يم حسين ابوه كبره

وزينب سمعته اوصاحت انشدك يا علي نشده
يعمه عادت الميت يصير على الترب خده
اشلون أدفنت ابوك حسين يعمه وراس ما عنده

سمع عمته وهل دمعه
ثكل همه ولزم ضلعه

يَكْأَلُهَا وَخْتَلَفَ وَضَعَهُ

يَعْمَهُ بَدَالَ خَدِ حَسِينٍ صَارَ عَلَى التَّرْبِ نَحْرَهُ

التَّوْتُ وَتَحَسَّرَتْ زَيْنَبُ صَاحَتِ وَالِدِ مَعِ يَجْرِي

عَمَهُ يَا عَلِيَّ السَّجَادِ ضَاجِ أَمِنَ الْهَظْمِ صَدْرِي

أَنْشَدَكَ عَنْ أَبِي فَاضِلٍ أَخُوِي الَّذِي كَفَلَ خَدْرِي

شَلَعْتَ السُّهُمَ مِنْ عَيْنِهِ

دَفَنْتَ وَيَّاهُ جَفِينَهُ

يَعْمَهُ الْجُودَ جَاءَ وَيْنَهُ

أَجِيتُ وَمَا جَبْتُ وَيَّاكَ جُودَهُ وَرَايْتَهُ الْخَضِرَهُ

عَنْ رَايَةِ بَدْرِ هَاشِمٍ وَجُودَهُ لَا تَتَشَدَّيْنِي

يَعْمَهُ بَعَلْتِي وَصَوَابِ حَامِي الضَّعْفِ خَلِينِي

شَفْتُ عَيْنَهُ وَجَفِينَهُ بَعِينِي وَلَا عَمْتَ عَيْنِي

وَمَعَ ضَعْفِي وَعَظْمِ كَيْدِي

أَدَفَنْتُ حَامِي الضَّعْفِ بِيَدِي

وَصَحْتُ يَا حَسْرَتِي زَيْدِي

وزادت حسرتي لآجن يعمه شتتفع الحسره

يعمه شتتفع الحسرات والون والدمع شيفيد

انتي ميسره وانه أبتليت بجامعه وبكيد

يعمه وبعد ما ندري من عدنه العدو شيريد

كولي أنذبح والينه

ليش الكوم تسبينه

اشكتر وصه النبي بينه

أحفظوا عترتي بعدي وهادي حالت العتره

رجوع زينب إلى كربلاء

زينب يخوتي صاحت اجينه من اليسر جينه
ما تدرونه ايا حال رحنه وبيس ردينه

ما تدورنه ايا حال رحنه وبيش اجيناكم
ما والله عينه يهون على التريان عفناكم
بكت بكلوبنا حسره مشينه ولا دفناكم

ومن الشام اجينه اليوم

مضلومات للمضلوم

حله بعيون اخوتي النوم

واحنه وكفت الديوان بالشام او جرت بينه

وصلت الشام مسبيه عساني لا وصلت الشام

الزلم وبه النسبه طلعت تتفرج على الايتام

جمع ضلام والنسوان تتراجف من الضلام

ولا واحد من اخوته
يحظر ويشوف حالته
بالديوان وكفته
يهل الشرف والغيره تذايكم وتاذينه

ردتكم يخوتي بالشام تحظرون وتشوفونه
بالديوان يالوليان والشمامات هضمونه
وكل واحد من المجلس عليه شابه عيونه

وينادون يخت حسين

وين اولاد عمج وين

يزينب ليش ما تحچين

ننشد عن اخوج حسين وحماي الضعن وينه

ذيج السا صحت يحسين العمر لا طالت ايامه

يخويه الشام هد حيلي ودعاني الليل ما نامه

على يزيد الرجس طبييت وراسك چان جدامه

ويظرب راسك اكبالي

وهيج نار داللي
صحت لا تظرب الوالي
عسه شلت يمينك ليش تظرب راس والينه
يزيد ومن سمع حچيي نهض سب والدي وسبني
بذاك المجلس الميشوم كام يريد يظربني
عمت عيني الدهر لشام عكب حسين دولبني
وعكب الخدر ذاك الفات
لني بمجلس الشمامات
يعود انه الدهر هيهات
وتعود اخوتي وبالخير تتعمرونوادينه
هم تعود الي يحسين حي وتعود ايامك
انت السيد الجانت تحب الوادم اجدامك
امس واحد من أهل الشام يتضرج على يتامك
وجانت يالولي نيته
بتك تخدم ابيته

حرمه وكميت رديته

وبجيت وصحت بالديوان خويه حسين ذلينه

هذا الشام يبن امي مصايب بي شفت كثره

شوغه اشد من شوغه وجمرة اشد من جمرة

مصايب كصن ضلوعي وحك ضلع امك وكسره

وهسا يالولي جيتك

بعيالك وأهل بيتك

يبن أمي تمنيتك

عدل وتشوف حالته ونحاجيك وتحاجينه

جيناك وتمنيناك حي وتشوفنه بعيناك

اوتشوف اشولن يتهاون على كبرك نساوينك

متكلي يخويه شحال بين أعيالك وبينك

ماني اختك المضلومه

وعيالك المهضومه

نمت عنهم فرد نومه

شكول أنسيت بين امي عزيزة كلبك سكينه

لا والله اعتذر ما كول اخوي حسن ينسانه

اخوي الشرف والغيره وحفظ الخدر من شاناه

لا جن صار ذاك الصار وبهالحال خلانه

اخوي وما لوه جيده

ولللذل ما يمد ايده

يخسه العدو وتهديده

اخوي بمهجته ضجه وبعياله لجل دينه

شباب الطف القاسم ﷺ

وين الفاجه الشبان وين الضايكه اللوعه
هاي ام جاسم العريس بالعريس مفجوعه

وين الفاجده الشبان خل وياي تتغنه
لام جاسم نريد نروح نساعدها على الونه
ونرد الحوفة العريس ونجيم بحوفته حنه

ونلكه ام الشباب تجول
على بنها والعكل مذهبول
وتتعه على الولد وتكول

يشمامة المن سباح هرش الجيد مكطوعه

لكينه ام الشباب أتجول وكمنه نجول وياها
ام وفاجده على النوح ما يحتاج ننخاها
اولكينه شمعت العرئيس مطفيّه اوعلكناها

وشـديـنه للـطمـم والنـسـوح
ابـحرـكـه والكـلب مجـروح
ومـن شـفـنه الولـد مطـروح
شـفـنه جـثـة العـريس أسـهام ونـبل مـزروعة

بـين اللـطم والصـايح وبـين الـدمع والحـسره
اجـتـهن عـمت العـرئيس زـينب شـابـجه العـشره
ولـكت شـمع العـرس داوي وصـاحت لـاچن بـعبـره

شـنـهي الشـمع وي الـبـين

اـخـنه وعـرس جـاسـم ويـن

لا يـسـمع اـخـوي حـسـين

ومـن يـسـمع يـجـي بـهـمه ويـطـفي الشـمع بـدموعه

بـاللـه الشـمع طـفـنه نـريد عـلى الـولد نـلـطم

انـه عـمتـه وـامـه هـاي اـمـوجـله وتـهـم

للـطـف جـيت ما ظـنـيت اليـه الـبـين مـتـولـم

وثـبـت بـالـدليل سـهـام

وهـد حـيـلي بـعـرس جـسام
آيا بـدر سـعـدي التـام
راح وصورته ضلت وسط احشاي مطبوعه

من ايدي بن اخويه راح راح الجان الي ونسه
حسبت حساب ظني خاب عمته وتفرح بعـرسه
راح العرس من جاسم وضلت حسرته بنفسه

ويا حسرت بني هاشم
المفجـرعـه بـعـرس جـاسـم
مبارك عاثره نايم

وعمك يبن اخوي عليك نار وسرت بضلوعه

يومك يبن اخوي يوم هد حيلي ولوـه جيـدي
وامك بالخيام تصيح راح الولد من ايدي
اريدن موتتي وياك يا عريس يوليـدي

يجاسم شوف حال امك
تلوج وجاعده يمك

تخضب راسها بدمك
حكها ام الولد عنها حجابة العتب مرفوعه
هاي أمك يجاسم هاي بيك الدهر دوهنها
سهرت ربت اوتعبت وخاب من الريه ضنها
تصيح ارباي اريد ارباي كلي اشتعتذر منها
تصيح ارباي اريد ارباي
منك يا ضوه عيناى
يجاسم مو مروه هاي
تروح وضلت على امك دواهي الحزن مجموعه

علي الأكبر عليه السلام

اجت ليله العلي الأكبر يويلي واوجبت عنده
تريد تشوف اصاويبه وجرح الضاهده تشده

تريد اشتوف اصاويبه اجت ام الولد ليله
وصاحت وين زينب وين بالله وياي تجيله
وعن الشمس خل سكنه تجي بهمه تفييله

يعماته تعالن جاي

اجعدن هالولد وياي

بالله وي علي بهداي

اجعدنه وخليني احط خدي على خده

عماته وخواته الكل صاحن يم علي الأكبر
روح الولد خلصانه نجعده اشلون ما نكدر
يليله ينتبه خافن وجروحه عليه تسعر

كَأَلتْ صَدَكَ خَلْنَه

نَايْم لا تَجْعَدْنَه

خَاْفَنچَن تَلچَمْنَه

الشمس والعطش وجروحه عليه من ينتبه شده

بِاللَّهِ لا تَجْعَدْنَه وَبَعْدَ لا نَايْحَه أَتَتْوَحَه

لَمَّا نَشَوْفَ اصْأَوِيْبَه اَوْلَمَّا اَنْجَلِبَ اَجْرُوْحَه

بِي ضَنْتِ رَجْهَ وَيَعِيْشَ يُوْلا كَوْضَتْ رُوْحَه

بَلچَن بِي رَجْهَ وَيَعِيْشَ

هَدَّهْ مِنْ الدَّهْرِ چَالِيْشَ

وَاَنْخَاهَ وَيَرْدُ لِلچِيْشَ

الولد ما كآلها الله يخلي والده وحده

حَكَّهَا بِلَا فِكْرٍ تَحچِي اَم الْوَلْدِ مَذْهَوْلَه

وَكَلسَا تَنْشُدُ النِّسْوَانَ هَذَا بِنِي عَلِي يُوْلا

وَإِنْ اَهْلَ الرَّحْمِ تَنْدَه كَطْرَةَ مَاي جِيْبَوْلَه

وَإِنْ الْبِي رَحْمَ وَيْنَه

بكَطْرَةَ مَاي يَلْفِينَهُ

وَلِيَدِي سَوْرِبَةَ عَيْنِهِ

وَانَهُ امَهُ وَصَدَن لِيَهُ عَفِيَهُ امَ الْوَلَدِ جَلْدَهُ

زَيْنَبُ حَجَّتْ وَي لَيْلَهُ تَكَلَّهَا يَمُّ عَلِيٍّ بِسَجِّ

تَرَهُ صَوَابَ بَنِ أَخُوِي مَجِيدِ أَوْ مَسْنِيٍّ مِثْلَ مَا مَسَّحَ

جَرِيْبَهُ الْكُومِ يَا لَيْلَهُ لَا لَا يَنْسَمِعُ حَسَّحَ

خَلَّ نَجْرِيٍّ الدَّمْعَ سَكَّتَهُ

هَذَا يَامَ عَلِيٍّ الرَّدْتَهُ

حَسَّ مَا يَنْسَمِعُ حَتَّى

أَخُوِي وَخُوِي حَسِيْنٍ مَا يَقْبَلُ وَبِي مَا يَشْتَقِي ضَدَّهُ

تَكَلَّهَا شَلُونِ اتَّجَلَّدَ بَيْتِ الْمَرْتَضَى وَمَنْ كَالِ

زَيْنِ وَبَعْدَ بِيَهُ رُوحِ وَشَوْفِ ابْنِي عَلِيٍّ هَذَا الْحَالِ

شَكْوَلْنِ غَيْرِهَا الْوَاحِدِ عِنْدِي وَي الزَّلْمِ رَجَالِ

مَانِيٍّ الْدَهْرَ مَحْنِي

كَفَنَّ يَ الْتَلُومَنِي

ويـه الولـد خلـني
أون ولطم على وليدي الذاب من العطش جبده
وبعد يا عمته تدرين ما عندي ولد غيره
واحد ونفكد مني وضلت خاليه الديره
هم انه ويلومني والله حيرتني حيره
عساني الكريلا لاجيت
ولا بيها ابننالي بيت
راح ابني علي وضليت
اصك الراج فوك الراج اكل الراج شيرده
زينب شافت الحاله وغدت چنها أسعفه وبريح
ولنها يا بنات حسين يالله يا خواته تصيح
اريد الدمع من عدچن مثل دم بن اخوي يسيع
وهنه من الخيم هاجن
على ذاك الولد داجن
مثل لوجت علي لاجن

وأمه جالت وكالت ما راج الولد برده

شباب بين عماته وخواته وساعة الفرکه

وامه فوکهن تنده انطن للولد حکه

اريد اللطم بالهوسه واريد الصايح بحرکه

ها يالله يعماته

الولد شم الهوه فاته

أيا ورد وجناته

يزهي چان بخدوده وهسا الخد ذبل ورده

حميده بنت مسلم

حميده اشما تشوف حسين ابو اليمه يجي ميها
تذكر عودها وتسيل دمعتها بوجه عمها

حميده من تشوف حسين عمها تسيل دمعتها
وتذكر عودها الي جان سهران على راحتها
وعمها من يشاهدها يصوت وين عمتها

يزينب سكتي الطفله

عليها مبينه الذله

بلجن بيح تتسله

وبلجن تخف ونتها وبواچيها ويخف همها

تكله ابيش اسليها وهي تبجي على والدها
ودمعها بكثر جروانه يخويه اثر بخدها
يخويه حسين للكوفه وي ابنك علي ودها
تره على فراك ابوها تموت

يخويه شو تون بسكوت
وتجري دموعها بلا صوت
خل ابنك يخويه بيد والدها يسلمها
تغير حال ابو السجاد على الطفله وابوجيها
وراد حسين للطفلة على الفرکه يسليها
بعون الله يحصل طارش لوالدها يوديها
بعد لا تضل ملهوفه
لا بد توصل الكوفه
لاچن عودها تشوفه
يولا جرح والدها يضل كلساع يلچمها
ضلت وعلى كل طارش حميده عيونها تربي
وتجري دموعها وتصيح على عودي انخمش كلبي
اكولن يوم المبارك عليه بي يمن ربي
وشوفن والدي بعيني
وحاجيه ويحاجيني

وكله ليس ناسيني

من مثلك لعديته حنانه اشلون يحرمها

تصيح هنا يعمي حسين ماجتي من ابوي علوم

عجب لا خبر لا طارش من يوم المشه لليوم

يعمي والدي وحده وأخافن يفدروه الكوم

وحده ولا أو خو يمه

من اخوته ولا بني عمه

على بختك لا يبواليمه

تعرف بلدت الكوفة وتعرف غدر وادمها

ولو ردت لعمتها ترد ودموعها تجري

ابوها عدل يو مجتول متحيره وما تدري

تصيح هنا يعمي ضاك على فراك الولي صدري

اضل برجا يعود النه

يولا اكطع الضنه

يعمه ايست منه

يعمه وچبدتي بفراك ابوي الدهر وسمها

حميده وزينب بهالحال ولن صوت ابو اليمه يصيح

حميده وكامت الطفله وكلسا من هظمها أتطيع

ومن صدت لعد عمها ومن شافت أدموعه تسيح

صاحت يا فخر غالب

عليهن هالدمع ساچب

يعمي والسدي غايب

يعمي ودمعك اليجري بچبدي النار يظرمها

الي هاي الدهر ظمها وبعدني خايفه من البين

تهون مصيبتتي بس كون يسلم راس عمي حسين

هاذي طلبتتي من الله لاجن هاي تحصل وين

حميده چان رجواها

عمها حسين يرعاها

تالي الدهر خلاها

يتيمة وعودها مسلم وعمها حسين يتمها

الإمام الحسن عليه السلام

عنه يَمُ الحزن كَلبج يتحمل دواهي السود
جدج و أمج وعودج واليوم الحسن مفكود

اول هم فكد جدج العلى فكده كثر همج
وثاني صواب يوم الباب ذاك الكسر ضلع امج
ودم عودج البالمحراب اجره من الجفن دمج

وجاچ اصواب اخوج اليوم

الحسن يخت الحسن مظلوم

كضه لاجن كضه مسموم

حك من يصرخ الناعي ويصوت نشف بحر الجود

عنه كلبج على بن أمج يزيب من وصلتيه

وشفتي الطشت جدامه ومن السم ركد حيله

ومن شافچ نده يحسين يا خويه الطشت شيله

شيل اطشت من يمي

الطشت بي چيدتي ودمي

لا ترتاع بت أمي

وهذا الطشت جدامي نشوفه بس دمه وجبود

وزينب للطشت صدت وشافت چيدت بن أمها

ولنها مكطعه وجبود جدامه ويبس دمها

صاحت عكب ذاك الضيم الي هاي الدهر ضمها

يهل الرحم خلوني

اون ولا تلوموني

شفت الحسن بعيوني

وشفت الطشت جدامه ويجلب چيدته بالعود

صاحت يا الحسن نارك صدك ما تتظفي نارك

تخلي اختك يبعد اختك متحيره بخطارك

باچر من تچي الوفاد وتشوبش على دارك

من يطلع يحييها
وعلى المعتاد يطبها
ترضه اطلع وحاجيها
وصيح بصوت يالوفاد راعي الدار مو موجود
راعي الدار مو موجود اكل ومن يصدجها
يبن أمي البحر جودك عين الضيف متجها
ترضه من ارد اكله مات وخل يلطم على وجها
وخل ينصب اباب الدار
عزبه ويجمع الخطار
ويصرخ والدموع اعبار
مات الحسن يالوافد مثل ما جيت رد اردود

فاطمة الزهراء عليها السلام

أنشد يا جرح ما ذيك يا حيدر من الزهر
هجوم الدار محسنتها ضلعتها عينها الحمرة

أكول اباب ذيچ الدار حك من يوكف المختار
ويستأذن من الزهره ابو الزهره ابدخول الدار
شجاها الوادم انكلبت على الاعقاب بيها شصار

على دار الوحي يهجمون

هاي اشلون ذيچ اشلون

بهاي الدار ما يدرون

زينب والحسن وحسين بيها وفاطمه الكبرى

زينب والحسن وحسين بيها وفاطمه بيها

علامه و ليش هاي الكوم بالشر تهجم عليها

هاذي حالت الزهره البتول خلاف واليها

اجتت تعاتب الأصحاب
لاذت عود خلف الباب
عصروها او صدرها نعباب
بالبسمار والمحسن صكط من شدة العصره

يحيدر هظمت الزهره انت التشد عنها
تون لفراك والدها وتسمع يا علي ونها
صدرها وعينها الحمرة وضلعها وذاك محسنها

هذا الصار مويهما
بت المصطفى همها
تدافع عن بن عمها
وبن عمها انغصب حكه ولغيره صارت الأمرة

أبن عمها نغصب حكه وهي نغصب منها الحك
بعد عالناس ما يلحك كتاب ولا نبي يلحك
مثل بضعة رسول الله الشفيعة على الوجه تتطك
طكها وبعد مومهم

عصرها وللضلع هشم
اوصدرها أيسيل منه الدم
وبكأب النبي ضلت لعد يوم الحشر حسره

بكأب المصطفى حسره وعلى الزهره دموعه تسيل
ذيج الكضت مضلومه ومغصوبه اوركد منها الحيل
عليمن بضعة الهادي يدفتها علي بالليل

ليش ام الحسن وحسين
مانندل كبرها وين
سحي يا دموع العين
عسى لا هدأت الرنه وعسى لا جفت العبره

عسى لا جفت العبره خلينه نجيم النوح
على الماتت بحسرتها وهمها والكلب مجروح
حكها تشوف محسنها چتيل وعالارض مطروح

ترد تشوف باب الدار
بيها الكوم وجت نار

وضلعها وشوغة البسمار
شحب من مصايها مصايب فاطمة كثره
مصايب فاطمة كثرة وثجيله من ارد عددها
صدك شافت الما ينشاف عكب عيون والدها
على فكد النبي الهادي اكول الله يساعدها
والله يساعد الكرار
يتعذر من المختار
يكأه الصار هذا الصار
يوالد فاطمة وانت بالصار وجره ادره
تمت

عندما ذهبنا إلى الحج مروراً بالمدينة المنورة على ساكنها
السلام أنشأت هذه القصيدة:

من وادي النجف كمنه واليثر ب تعينه
عن كبرام حسن نشد وين الينشد وينه

من وادي النجف كمنه المدينة والد الزهره
وصلنه الحضرتة والكل بعينه لاجت العبرة

صحنه يا النبي المختار من اوچبته على كبره

هنا يا سيد الكونين

النه ضايعة مضيعين

كبر وما نعرفه وين

نريد الراي من عند شويا صوب تهدينه

هنا يا سد الكونين جينه ليك طلابه

كبرام حسن مخفينه ليش وشنه اسبابه

تدري واليحب يعتب ويمك كاصده احبابه

سچينه وكطفنه البيد

ندور والطريح أبعيد

لعد كبر الزجيه نريد

وعلى كبرام حسن وحسين ما غيرك يدلينه

جواب الهالنشد ما صح من المصطفى المختار

ولرض الغري أتوجهنه وصحنه هنا يحامي الجار

جنازه ودقنتها بليل كبرها وين نشد صار

دلينه نريد انزور
كبرها يا لسكنت الطور
مرينه بجثير كبور
وكبرام حسن ما زرناه واحنه الها لسبب جينه
كبرام حسن ما زرناه واجينه على الكبر ننشد
أشولا والد الزهره ولا حيدر عليه ايرد
وصرنه بوجل وبحيره المن نتجه ونصد
واصبح صوتته ينادي
كبريت النبي الهادي
يا موضع ويا وادي
نصوت والدمع يجري وبهاحال ضلينه
كأنه للبقيع نروح ننشد والدمع يجري
ولكيناها الأرض وحشه ولكينه ترابها يذري
المن نتجه والمن ننشد بعد ما ندري
وبح من الندي حسنه
وممن ام حسن ايسنه

بسنة من النشد بسنة
خاف أهل لبقيع النوب تشمت وتاذينه

لكينه بالبقيع كبور شفناها تهبط الراس
بعد متساويه وبه الكاع ما تصلح العادي الناس
كلنا انجان هاي اكبور ما ألها أهل لا باس

وكمنه على الكبور ندور

وكل أهل البقيع حضور

كالو يهل وادي الطور

هاي كبور ايتمكم زوروها بمحارينه

سمعناهم ونبينه عليهم يا وجوه الشر

المن هالكبور المن كالو من نسل حيدر

كبر الحسن والسجاد وكبر الباقر وجعفر

وشفنه كبور أيتمته

ومذهلين صوته

أي والله عسى متته

ولاها المشهد ونشوفه وشامت يشتفي بينه
تمت

زينب تسأل أبا الفضل عن حال والدها ليلة مجئ الطبيب

الجراح إليه:

زينب ندهت العباس كام وصوت شعدها
كالو يالعجيد اختك تريد تزور والدها

زينب ندهت العباس وبو فاضل تغناها
يكفكف دمة عيونيه وينشف دمع عينها
يزينب آمري شتردين يَم الحزن نادها

كالت والدموع اعبار

اشلونه صواب حامي الجار

اسمع ويد عدكم صار

يخويه والهواشم هاي كلها تنوح اشاهدها
زينب والكمر عباس تكله اسمع بجي ونياح
وبو فاضل يكل لخته جبنه الوالدي جراح
وكلب جرح البراسه يختي وصفك راح براح

شسولفلج بعد عنه

ببونه ما بكت ضنه
يزينب ايسي منه
مثلما ايس الجراح منه وطبرته شدها
كألكه اريد تروح لخوي الحسن وتخبره
تكأله اختك اوتطلب لبوها ابعينها انتظره
اخافن يعتذر منك يخويه بهاي لتعذره
ابويه وارد شـوفنه
ويـودعني وودعنه
وصـرخ وجذب الونه
صعب يا والدي فركاك يا حاضر شدايدها
رد من زينب العباس ونار الهضم بي تلهب
يمشي بيا جدم يمشي اجه ويم الحسن اوجب
يخويه بالحسن ناده وصيه الك من زينب
وجيتك يا لحسن بيها
يخويه اختك شحاجيها
تريد تشوف واليهـا

يخويه بالحسن زينب حكها الله يساعدها

الحسن وحسين والعباس والزينب تغنوها

وين ام المصايب وين زينب وين نادوها

وزينب سمعت الندها وشافتهم وشافوها

وزينب كانت وطاحت

اشلوناه والدي صاحت

ايام الفرح راحت

اه ايام والدننه راحت بعد شيردها

كآل الحسن للعباس روح اخبر بني هاشم

زينب يم ابوها تريد خل تتفرك الوادم

وجت زينب لبوها تصيح عسى يا والدي سالم

عسى يومك يبويه بعيد

تصيح ونار همها تزيد

يتامه نصير كبل العيد

ابونه بهالشهر مفكود هاي البين راديها

حيدر من سمع زينب تبجي كال سكتوها
ومثلما چنت اباريها اوصيكم تباروها
هاي ام الخدر والعز بالذل لا تخلوها
واخاف الكريلا ترحون
اريد بزيب توصون
عليكم ما اقول يهون
اختكم بالطفوف اتضيع وبه الغرب وحدها

يا عباس زينب هاي هم الجادها اچيدك
امانه وارد اسلمها بيويه من ايدي الايدك
القدرها والضعن لو سار انت الحارس انريدك
انتهض حين السمع عباس
أمرك ياالأبو على الراس
خل تسمع جميع الناس
ترا هي بشاربي زينب وين الليل يصل حدها

أبي الفضل

بدر هاشم عضيد حسين توسط خطة الميدان
وكال اليوم أكر عيون أبوي وكل بني عدنان

توشح بالنصر عباس ولاح بظهر المطهم
وكال اليوم اسوي يوم عالجيومان يوم أضلم
أشلع شوس واحصدر روس وبعوده حلف واقسم
وصال وصاح ابو فاضل وين المفريا فرسان

وين المفريا فرسان أبو فاضل صرخ بيها
وكال جسومكم يا كوم طعم للحوم اخليها
مثل عملت بدر وحنين يو صفين اسويها
وانه بن البطل حيدر الما يحتاج اله تبيان

انه بن البطل حيدر يصيح ويرف بيده الواه

وكل حيد اليصل عباس ابد ما تضل روحه وياه
اكلك يا لتتاشدني شسوه البدر ويه عداه
الزلم هجت لچن هجت وهي بكلوبها النيران

وج بكلوب عدوانه شبل المرتضى ناره
ويتوهج بنور ونار كل ما تتكَل الفاره
ناره تهيج من سيفه ووجهه يزود بنواره
غزاها وخردل أعينها وغداها تياه بالوديان

غداها تياه بالوديان وسدر للمسنايه
شبل المرتضى وركز على شاطي العلكمي الرايه
وصل مايه وغرف بيده وذبه وما شرب مايه
كال اشرب واخوي حسين ضامي والطفل عطشان

خروج الحسين من المدينة

وين هاشم كوطرت بضـعونها
كالو الطف كـريلا يردونها

وين هاشم كوطرت بالضـعن وين
وما درينه بهالمسير أشكاصدين
كالو الطف كـريلا يريد الحسين
وما درينه بسـفرته ومضـمونها

حسين من فارك وطن جده وطلع
كالت الوادم طلع لجل الطمع
لچن بس اللي حظر عنده وسمع
خطبته وأهل الوفه يسـمعونها

خطب شوف اشكال بن فارس بدر

مات بن هند الحكم بسم الكفر
وبعد ليزيد الرجس رد الأمر
هاي اميه وشوف هاي فتونها

وبعد كال النوب يردون الوي جيد
الحر يموت ولا يبيع للبيد
انه بن فاطمه تعرفوني ويزيد
امه ما يخافكم تعرفونها

لا آل أميه الحكم ما يقبل الدين
والرجس لا تعتقد يصبح أمين
ساعه السوده على ذبح المسلمين
الاحكام الجايره يرضونها

بس ابو السجاد ما ذل وخضع
لآل سفيان وبعد ضدها ندفع
حسين لجل الدين وأحكام الشرع

والمجارم كالاموتاً دونها

طلع من طيبه وتوجه للعراكَ
وصاح يا دار الوحي هذا الفراكَ
وبه الفجر ضعن الحرم طوح اوساكَ
وزينب اخوتها الذي يبارونها

طلع من طيبه وحده أيموكب رهيب
ويد كبر للهالهل والنحيب
والعليه اتوادعت وبه الحبيب
إشلون حال الكأماوا يودعونها

ودعوها وكو طرو عنها وسرو
امنوها وبعده منها تعذرو
ساروا وسارت وراهم مادرو
تصيح عود اتريدهم يتنونها

غَدُو عَنِ الشُّوفِ مِنْ كَثْرِ الْعِجَاجِ
وَبِيهَا جَمْرٌ فَرَاكَهُمْ بِالْجَبْدِ هَاجِ
وَرَدَّتْ وَدَلَالِهَا عَلَى الْأَهْلِ لَاجِ
خَائِفُهُ مِنْ أَحْبَابِهَا يَنْسَوْنَهَا

بِدَارِهَا ضَلَّتْ تَوْنٌ يَهْلِي وَتَصِيحُ
وَالدَّمَعُ فَوْكَ الْمَرَضِ عَا الْخَدِ يَسِيحُ
اتَّكُومُ وَمِنْ الْمَرَضِ لَوْ كَامَتْ تَطِيحُ
وَرَا حَوِ الْوَالِي جَانُوا يَسْلُونَهَا

بِدَارِهَا ضَلَّتْ تَوْنٌ لَيْلٌ وَنَهَارُ
مُضَيِّعُهُ وَتَحْوَمُ بِمَوْصِطِ الدَّارِ
هَيَّيْ عَمَلَاتِ الدَّهْرِ وَالْفَلَكَ دَارِ
وَرَا حَوِ الْوَالِي جَانُوا يَبَارُونَهَا

وَيَنْ أَبَوِي الْكَالِ يَوْمِينَ وَنَجِيحُ
وَيَنْ أَبَوِي الْكَالِ الْأَكْبَرِ يَمْتَنِيحُ

هاي ما حصلت بديها ولا هذيچ
وضلت على الدرب تربي عيونها

عادت الغياب والعدمه عليل
ما يخالوه وحده ودمعه يسيل
بس هلي عن دارهم شالو بليل
ولا درو ذيچ العليله اشالونها

ركد جسمي من المرض وأصفر اللون
وانه كل يوم وكلت باجر يجون
فراكم لا ما وحك الله يهون
واللي مثلي تصير الله بعونها

الأنصار

الخيـل يهـل الخيـل يا فرسانها
الحـرب سـاعه وتشـب نيرانها

الخيـل يهـل الخيـل يا مردم الخيـل
الحيـل المن ينـضـخـر منكم الحيـل
هـله هـله تصيح بت حامي الدخيل
وعينها على الوجن كت جروانها

يا انصار حسين يا روس الحزم
بيكم وبس يوفكم يكوه العزم
بت علي ترضون ما بين الزلم
توكف وليها تصد عدوانها

يا انصار حسين يسباع الرجال

يا ليوث الحرب يا موت الأبطال
هاي زينب بت علي خير الأعمال
جاعده وتتتاككم بصيوانها

يا أنصار حسين هاي أخت الحسين
زينب الما حصلت غير الونين
هاي زينب بت أمير المؤمنين
تحچي ويatakكم غدت بالسنانها

يا أنصار حسين بت حيدر تكول
عالخيم خيل العده تحوم وتجول
والله يكرام العذر ما هو امقبول
منكم ولا اكول من خوانها

اشلون عن خدر الحرم تتعذرون
وغدت من عين الحرم تتبع عيون
لا وحك الله عليكم ما يهون

الحرم تتضام يا وليانها

يا أنصار حسين يا ليوث الحرب

زين يصحاب الوفه عدم كلب

تخلون الحرم بديار الغرب

خدر وبعدت عليها اوطانها

لن حبيب يصيح ويهز صارمه

لا على بختج بيت حامي الحمه

اليوم دون الخدر نسبح بالدمه

اليوم اكراً عيونج بميدانها

لا تخافين أيغدي عنج الخوف

والأنصار امجرده بيض السيوف

اليوم يَمُ الخدر خل عينج تشوف

نسلب ارواح العده من ابدانها

زينب ليلة العاشر

زينب اللياليه تغير لونها
والهواشم كامو يودعونها

زينب اللياليه تهل دمعته العين
والعقل مذهبول بـوداع الحسين
تصيح عكب اخوتي وجوه الحرم وين
مادريت وعد من أخلونها

مثل هذا الليل زينب مسهره
بعد والعبيره بصردها أمكسره
زينب ويدرون بيها أمخدره
باجر إبين العده أيعوفونها

تصيح زينب والدمع عالخد يسيل

يا شبول المرتضى حامي الدخيل
الليل هذا ويخوتي لو كضه الليل
خافكم هاي الحرم تتسبونها

مثل هذا الليل زينب بالخيم
تتحب وتتوادع ويه أهل الشيم
هله هله يخوتي بهاي الحرم
الكوم عكب أعيونكم يسبونها

صاح أبو السجاد زينب وبنها
وزينب على حسين دارت عينها
هالوصيه بعيلتي اتحفظينها
والخيم خاف العده أيحركونها

سمعت حسين وهمل منها الدمع
زينب وكامت ومحنيه الضلع
حست أخت حسين باجر تنفجع

بيو اليمه وسال دمع عيونها

ردت وكصدت لحمي الضعن
بدر هاشم والمدامع دم جرن
نادته خويه الحرم ويك اجن
خويه وانت اتكلفت بضعونها

يعباس انت الكفلت العايله
والحرم ويك اجت ومدلله
من نصبت أخيامنه بطف كربله
يعباس وكلت اموتن دونها

يعباس وجيت بأمرك يا شهم
والخدر بحمك يا موت الحتم
عكب عينك خاف اضل بين الزلم
وهي يهل الشيم ما ترضونها

صاح ابو فاضل يزنيب هودي
وانتخه وهز صارمه وكام يحيدي
ها يزنيب يا وديعة والدي
الكوم فنها الخيمتج يصلونها

لا يزنيب ينخطف منج اللون
دون خدرج يختي لجلبلج الكون
انه حي والكوم يولونج اشلون
إلا عيني بالسهم يطفونها

تمت

في حق علي الأكبر عليه السلام

علي الأكبر عليته تغناها
والحرايب حيته وحباه

علي الأكبر من تغنه العليته
وصل ليها وحيته من شافته

هنا يشبل حسين الاكبر نادته
عليتك غيرك فلا بركاها

لجن يبن حسين منك طلبتي
تذبح جيوش آل اميه الخطبتي
عاد ذبح الساع توصل خوفتي
وساعة الملكة صدك محلاها

وبعد كالت طلبتي منك كتاب
سند بيني وبينك اليوم الحساب
حتى ييه افتخر يا حلو الشباب
وبيك حكها ام الفخر تتباهها

كال الج حك ونتهض راعي الشيم
الطف اسويه الورق والحبردم
اليوم اكتب وامهر وسيفي القلم
وهالكتابة الدهر خل يكرهاها

اكتب ويكره الدهر كَال وحمل
ونبط عرج الهاشمي بوجهه وزعل
سوه حرب الطف مثل يوم الجميل
يو مثل عملت بدر سواها

كام يحيدي وينده بذيح الحزم
والمهر يسحك على هام الزلم
ونعم من شبك ييو اليمه ونعم
للعده نجوم الظهر راواها

للعده راواهم نجوم الظهر
بدر واشرك لا وجل من البدر
مثل جده المرتضى فارس بدر
بالشجاعة وبالملاحطه

صاحت الفاره عليه وتعلمت

جالجراد وعلى الأكبر خيمت
حشمت فرسانها وليه اجدمت
موتها من اجدمت وياها

على الأكبر دارت أيمن أو شمال
أرجالها وردت نكس ذيچ الرجال
والأبطال انچان تنشد عالبطال
سيف لبن حسين وتولاهها

أوجره بجمع الكفر شبل الحسين
بين شارد بين عالغبره طعين
بين غانم صوتو يا بكر وين
وين وكفاتك الما ننساها

يا بكر شوف إشعمل هذا الشباب
وشوف سيفه يصب عالسكر عذاب
يا بكر ونريدك توسده التراب

هالشباب احدودنه تحداها

وبكر للأكبر تغاله وكصد

وثار الأكبر وعلى بن غانم لكد

وشابحه عيون ابو اليمه على الولد

والصبر للروح ما سلاها

حسين يري على الولد من الخيم

وعلي الأكبر وي بكر شد واحتزم

انخطف لون حسين والحيل انهدم

وام علي الأكبر كثر مباحاها

نادته ليش انخطف لونك يحر

خاف الاكبر وكع من ظهر المهر

كلها لا لاجن تبارز بكر

ومن بكر خايف عليه نادها

صاح ابو اليمه يليله الخيمته
روحي وعلى الخد تهل خل دمهته
واندعي لبنه يليله بعبرته
تستجاب الوالده دعواها

وام علي الأكبر ليخمتها أجدمت
وبيدها الثديينها الحرة الزمت
ابجاء ابو اليمه على الباري اقسمت
وجاه حيدر والرسول وجاهها

تسلم وليدي العليه دارت الخيل
والده وتتوسل برب الجليل
عاد الاكبر خله بن غانم جتيل
وجاب راسه وجثته خلاها

جاب راسه وجثته ذبهه وجزه
هذا شبل حسين حصل من غزه

رد لبوه يصيح اريد الجايزه
وماي هاي الجايزه معناها

حسين صاح منين اجيبناك الماي
يبني رد للحرب يا ثمرة احشاي
ها يروحي وسلوتي وطلبتك هاي
روح عد جدك علي تلكاها

امثل امر الوالد ورد للحرب
والتعب والعطش اثير بالكلب
وعلى عيونه تكول جن غيم السحب
والمطر من صارمه ودماهها

عكب ما كثر بعدوانه الطير
ويل كلبي وصوبو راسه الكفر
شيك مهره وللعده راح المهر
وهاي كل أعداه تتمناها

أمير المؤمنين عليه السلام

احتارت بفضلك يداحي أبوابها
الجن والأملاك وجمع كتابها

احتارت بفضلك يحمّاي الحمه
البشر والجن وملايكة السمه
انس جن واملاك لو فد مكرمه
تحسب أفضلك يچل احسابها

يا علي يا من مثلك ما وجد
ولوله نورك ما ملك لادم سجد
ولون ما سيفك فلا واحد شهد
بسم ربه ولا لزوم محرابها

يا علي ولو ميتوسل بيك نوح

ما غله تتورها ولا صار نوح
 أسفينته چا ما رکت ذیج الصروح
 ولا سرت بریاح عذبه اطیابها
 ولون ما حیدر مع نوح یحظر
 چا توحل ونذهل وامسه بخطر
 ولون ما حیدر فلا طاب السفر
 ولا نشف موحانها وخنیابها
 ولوله نورک یا وصی سید الأمم
 چا خلیل الله انغوه وتاه وعدم
 ولا غدت ناره علیه برده وسلم
 لون ما نورک یسر اسبابها
 من الخلیل انتقل نورک لولده
 وبسمک وفضلک اسماعیل اهتده
 یا علی ولجلك نزل ذاك الفده
 یا من ایوم الوغیه مطرابها

وانبنت كعبة العلام الجليل
لجل حيدر شاد مبناهما الخليل
وبيهما لوما ينولد حامي الدخيل
ما غده العالم يمر بعتابها

يا وصي الهادي يسر الله العظيم
يا لسانه ويا صراط المستقيم
بيك وبفضلك سلم موسى الكليم
وهدم صروح الفتن واصحابها

الكل نبي المرسل يحيدر سايرت
اليوسف ويونس وايوب انصرت
يا علي ومن يوم وي عيسى احظرت
چنت انت اللي ترد اجوابها

احتار عقلي وحاتر عقول الملا
أبكنهك وذاتك يسر البسمله
الرسال چان انخفت يا عقد الوله

لون ما نورك يحل بصلابها

وحفل تتويجك يحاظر بالشدد

لجلك اسابع سمه الليله انعقد

وهالحفل بس الوصي الهادي انقرد

وكام يرعى الحفل رب اربابها

ومن نزل جبريلها بيوم الغدير

نزل يتحف والد الزهره البشير

وبشره بنعم الوصي ونعم الوزير

حيدر النبي نسلم أمن اتعابها

وصدك جمعها النبي وتجمعت

يوم خم ولعد حيدر بايعت

وهنت الهادي بوصيه وطاوعت

لچن بالباطل لعب دولابها

لعب باطلها وكثر بيها الوجل

والحسد بصفوفها حل وحصل
هاي بيعه وينظرب بيها المثل
طوك صارت للخلك بركابها

يا علي وجبت على الكل بيعتك
مثل ما وجبت عليه أمحبتك
يا علي اللي عادتك والودتك
بيك محتاره وسلبت البابها

يا لسلبت اعكول والباب وفكر
يمن بيك اكتمل دين الله وثمر
يا علي ولولاك لا زيد وعمر
وچان خيم على الدنيا أسحابها

يا وصي المختار يا خير العمل
يمن حبك فرض من الله نزل
خبر من زينب يحيدر ما وصل
ليك من حركو عليها اطنابها

ندبه للحجة عنه السلام

الك يا الغايب دمعنه أيهل دمه
ليمتنه جفك يجرد صارمه

ليمتنه جفك يسيل سيف النصر
ونمن بجالك يساطان العصر
يا المغيب هاكثر تحمل صبر
ونار هجرك بالضماير مضرمه

بالضماير نار هجرانك تشب
صعب بين العسكري هجرك صعب
واليكم والكم ينتسب
سيدي عليه الأفراح محرمه

ابيش يفرح سيدي ويمن ابيش

وجارت أعلينه العده ما ندري ليش
احنه كضّينه الحياة بأمر عيش
والعهده بحكوكنه متعمه

هاي صورة حالته الماهزتك
ولا ترف راية الخير أيمنتك
انسيت چم ضلع انكسر من جدتك
فاطمه ويلا يهظمت فاطمه

وانت تدري بعملت الدار وخبير
يصير ما تعلم بضلع امك يصير
ولا دريت أشجره بمحراب الأمير
لجل محرابه العوالم مضلمه

ولا سمعت وبه الفجر جبريل صاح
طاح بالمحراب خطاف الأرواح
عالفواطم لا طلّع ذاك الصباح

انطبكت على الأرض يا ريت السممه

وبالحسن بين الحسن عندك علم

وتدري مرد جبدته ومهجتته السم

هاي من عندك صبريولا حلم

يوكلوب على الرزايه أمعلمه

هاك شوف حسين جدك من وكف

بالطفوف أووكفته وكفت شرف

اشد واصعب ما جره أبعملت الطف

حين حركو لبو اليمه أمخيمه

خيم شنهي ويحركوها على العيال

وين صارت خيل تسحك عالاطفال

صاحت أم الحزن وين بن الحلال

للنجف يوصل لبوي أيحشمه

ولا حشيم الشاربه رف ورجف
يصبح من يوصل لعد وادي النجف
يا علي العسكر على بناتك زحف
اوروعوا زينب يحمي الحمه
تمت

ندبه الحبه ﷺ

ليش عن ثارك يصاحب ثارها
تصبر وناييم رغد فجارها

ليش ثاراتك تفض عنها النظر
چنك بكل الجره مالك خبر
شيعتك ملت يبن سيد البشر
ودومها الدريك مشبجه انضارها

شابحه الدريك يفايب شيعتك
وركك ثوب الصبر منها ابغيتك
يمته يا المحجوب تنشر رايتك
ما كفاك النوم يا مغوارها

والله مليونه وصدك ملنه الصبر

وجرنه يالمحجوب من هذا العصر
ديون الك بين الحسن راحت هدر
وانت ما هزتك كل اخبارها

چن نسيت امك الزهره ام الأطياب
وچن نسيت السكط يم عتبت الباب
ارد اذچرك هجمو أعلها الأصحاب
اوروعوها الكوم وهي بدارها

يمحجوب امك على الفبره أو كعت
حين عصروها وبسم فضه أندهت
ودمعت حسين وحسن لامهم جرت
ولاذو من الكوم بين أكتارها

ولون يمغيب تشاهد حالها
طاحت وطاحو عليها اطفالها
وصكط محسن ونمرد دلالها

والضلع مكسور من بسمارها

سيدي ومن حسنت الزهره او وعت

شافت حسين وحسن يمها وبجت

لاجن الزهره الزجيه ما درت

حين للمسجد خذو كرارها

يمحجوب وحين حسنت فاطمه

الكوم للمسجد خذوا حامي الحمه

طلعت من الضلع يجري الدمه

لجن كلسا تكع بت مختارها

وارد انشدك يا شبل سيد الأكوان

ليش للزهره ابنه بيت الأحزان

وين چا صارت الشجره ويا مچان

بلچي تدري من اكطعوها اشرارها

اشلون ترضه بهاي يا شبل الحسن
شافت امك فاطمه مر المحسن
وها المصايب ضلن ابطول الزمن
شيعتك تتواوح ابثذكارها

يمحبوب اسمعت ما صار وجره
على امك الزهره الزجيه الطاهره
هذا هين يا شبل سيد الوره
يو وجبك من تسئل بتارها

سدي بعد ارد اذچرك يا ورع
يا من بكل السرراير مطلع
اشلون ابن ملجم وصل سور المنع
مرهب الكون وفلك دوارها

سدي والحسن تدري بحالته
أنمردت من السم يغايب جبدته

سَاعِدِ اللّٰهَ اخْتَه الطَّهْرَ مِنْ شَافَتِهِ
اِحْتَارَتْ وَحِكْمًا مِنْ تَحْيِرِ افْكَارِهَا

مَا نَعْتِ نَعِشَ الْحَسَنِ عَنِ الْمَزَارِ
وَلَا رَضْتِ نَعِشَ الْحَسَنِ يُوْصِلُ الدَّارِ
لَيْشَ يَا الْمَحْجُوبَ عَنِ هَايِ الْاَخْبَارِ
تَغْضِيّ وَتَصْبِرِ يَنْوِرُ اَنْوَارِهَا

هَآكِ يَا الْمَحْجُوبَ صَوْرَةَ كَرِيْلِهِ
وَشَوْفَ رَسْمِ حَسَنِ وَاَصْحَابِهِ وَهَلِهِ
وَمِنْ تَنَاشِدْنِي عَلَي رَسْمِ الْعَايِلِهِ
هَجَجْتِ بِيَوْمِ الْوَكْعِ نِفَارِهَا

لَا طِفْلَ لَا بَكَتِ طِفْلَهُ اَبْهَ الْخِيْمِ
وَبَعْدَ زَيْنَبَ مِنْ يَلْمِ الْهَآ الْحَرَمِ
تَوَجَّهْتِ لِآجِنِ الشَّيَالِ الْعَلَمِ
وَصَوْتِ يَا شَيْبَلِ حَامِي جَارِهَا

صاحت ونار المخيم مسعره
لا على بختك يسبع الكنطره
الجانن ابجالك يخوها مخدره
العدو خلافك يسلب أسنارها

والاشد عالحرم من چلچل الليل
لا ولد ضل عد خواتك لا جفيل
حرم مذعوره وبكه بس العليل
وچبده من الهظم تسعر نارها

عجب يمغيب تضل الهالمحل
وكلبك الهاي المصايب ما زعل
يمته تشر رايتك بين البطل
وتحل بديار الأشرار اكارها

هذا يالمحجوب نضمي وما كلت

واطلب الغفران خاف أتجسرت
من المصائب سيدي ما سجلت
ولا وصلت العشر من معشارها

عاد اكلول ابجاء ابو اليمه الشهيد
وجاه صبره ووكفته بالطف وحيد
ياإله الكون من عندك نريد
تحمي شيعة حيدر من اخطارها
تمت

* * *

مسلم بن عقيل سفير الحسين عليه السلام

مسلم هذا وهاي اخباره

مسلم ياللي تتشد عنه

مصلح بأمر حسين أتغنه

كاصد للخير يريد انه

والمصلح حك لو يتباره مسلم هذا وهاي خباره

مسلم طب للكوفه بعزمه

ياخذ بيعة عود اليمه

صاحت كل الكوفه بأسمه

نايب هذا حسين اختاره مسلم هذا وهاي خبار

مسلم كالو حك أنطيعه

ولبن الزهره نأدي البيعه

وللكرار أنصـبح شـيعه

وحسين أنصير من انصاره مسلم هذا وهاي أخباره

لاچن ما تمت بيعتها

اوخانت مسلم من ساعتها

معروفه الكوفه إبغدرتها

تنصح هيهات الغداره مسلم هذا وهاي أخباره

ولن بالكوفه مسلم وحده

متحير ضل يصفج يده

وذيچ الناس انكلبت ضده

والكل سد عن مسلم داره | | مسلم هذا وهاي أخباره

ما يدري اليا صوب إيسدر

يمشي وما وياه إمسير

وشاهد دار وضل متحير

واجف لاچن تسعر ناره مسلم هذا وهاي أخباره

واجف ضل بحسره ولوعه
ومحني من الهم أضلوعه
من الدار ولن طلعت طوعه
وشافت مسلم تزهي أنواره مسلم هذا وهاي خباره

ما تدري بمسلم وبأمره
ومتعرفه وبس تسمع ذجره
ومسلم ناده هنا يا حره
ماي أسجيني ودمعه أتجاره مسلم هذا وهاي خباره

جابت ماي الحره اوردت
مسلم واجف لن ليه صدت
خافت من مسلم ورتعدت
ما عرفت مسلم واسراره مسلم هذا وهاي خباره

كالت روح مودع بالله
أشريت الماي وروح أتكله

ما اسمحك توجب خلقه

وعنك شتكول أهل الحاره مسلم هذا وهاي خباره

مسلم ناده ودمعه أيسيله

واجف لاچن راكد حيله

ضيفج انه أبهاي الليله

والحر ما يطرد خطاره مسلم هذا وهاي خباره

صاحت آيا نور أعيوني

منين انت وخاف أينشدوني

مسلم كاللها وغدورني

انه وعمي حامي جاره مسلم هذا وهاي خباره

من سمعت طوعه أبهالعمله

تفضل يا مولاي أتكله

مسلم بيك المنزل يحله

لاچن ضلت بي محتاره مسلم هذا وهاي خباره

والمخبر عن مسلم خبر
وبن زياد اهتم وتذعر
لم لم جيشه او وده العسكر
ولن مسلم يسمع بالفاره مسلم هذا وهاي خباره

مسلم للفاره تلكاها
بسيفه وتتصاكت خلاها
مسلم بالكوفه اتولاها
مغضب يحصدها ابتاره مسلم هذا وهاي اخباره

مسلم يحصد روس ويرجم
صاحو حين الشافوه مفرم
مبختوت وأمن يا مسلم
بالله وبكتابه وتسياره مسلم هذا وهاي خباره

مسلم ما أمن من عدها
تقدر بي يعرف مكصدها

مسلم يعرفها وشاهدها

دارت بي من كل اكتاره مسلم هذا وهاي اخباره

مسلم ضل بس تري اعيونه

يدري العدوان ايغدرونه

هاشم يا ريت ايحظرونه

ويطلبون اليوم ابشاره مسلم هذا وهاي اخباره

مواد الحسين ﷺ

ابمیلادك نهني الدين يحسين
وبمصابك نعزي الهادي جـدك
من شالك وشمك دمة العين
لاچن لچن سالت فوك خـدك

ابوجود حسين كلب الدين آمن
وعليه بانـت علايم للسعادة
اليقدمله ضـحايه المتـثمن
انولد واليسـبح بدم الشهاده
لاچن لا تتاشـدني عليـمن
جرت دمعت الهادي إبهـا الولاده

هذا الخبر ما يحتاج تبين
وتعرف الخبر لوجان كـصدك

صَدِّكَ لَوْ فَكَّرْتَ بَيْنَكَ وَمَا بَيْنَ

عَكَكَ يَتَضَحُّ هَا الْخَبِيرَ عِنْدَكَ

خَلَّ دَمْعَتِ الْهَادِي وَخَلِّي نَرْجِعْ

لَعَدَّ مَهْدَ الْوَلِيدِ أَنْسَجَلَ أَخْبَارَ

وَنَشُوفَ النُّورِ مِنْ مَهْدِهِ يَتَشَعَّشَعُ

وَنَشُوفَ أَمْلَاكَ حَوْلَ الْمَهْدِ زَوَارَ

وَعَلَى مَهْدِهِ غَدَّتْ تَسْجُدُ وَتَرْكَعُ

وَچَنْ مَهْدِكَ يَبُو الْيَمَّةِ الْعَرْشِ صَارَ

مَنْ اللَّهُ الْجَاهِدَكَ هَايَ تَثْمِينِ

وَلَا بَأْسَ الْعَرْشِ لَوْ صَارَ مَهْدَكَ

نُورَ أَنْتَ بَعْرَشِ خَالَتِ الْكُونِينِ

وَمَنْ الْعَرْشِ هَلْ هَلَا مَجْدَكَ

بِاللَّهِ مِنْ الْمَهْدِ كَوْلِ انْتِهِينِهِ

وَخَلَّ نَشُوفَ ابْنِ الْيَمَّةِ وَصَفَاتِهِ

وَنَكْدَرُ نَعْرِفَ الْوَاجِبَ عَلَيْهِ

من سيرة حسين وتضحياته
نشوف حسين ضحه لجل دينه
اعز ما يملك وضح بهياته

يالعاهدت ربك تحفظ الدين
وبطرف كربله وفيت عهدك
حفظة الدين بين المصطفى حين
طلع وبه السهم ثلثين چبدك

انت وما سواك بهاي مشكور
يحسين وفلا جاداك واحد
هدمت عروش لهل الظلم والجور
او وادي الطف الك يحسين شاهد
ولينه عود يحسين انتهه الدور
ومثل ما جاهدت رايد تجاهد

واحنه بس بسامينه مسلمين
علينه لا تحط يحسين يدك

وبعد يحسين نتسمه موالين

الك وفعالنه يحسين ضدك

شتكولون عن حجي الحجته
صدك يولا عليه إبهاي منكود
الحجي مو مشتهه وانه اشتهيته
عندي يالرفاكه للحجي اشهود
اللي شفته وسمعته ما نسيته
لعد عينك وعيني اليوم موجود

ما يخفاك تعرف هالأمر زين

ومن عندي تريد شهود بعدك

انت معين الموضوع تعيين

وتغالط نفسك بنفسك لوحدك

يا يوم المبارك من يجي اليوم
من نومة المبها خير نصحه
ومن صاحب المولد ناخذ علوم
ونضحى مثل ما جاهد وضحه

اليضحى على العقيدته موش مندوم

دنيا واخره مضمون ربحه

تابوت وتخت جدامك اثنين

يتعله بحداهن بدر سعدك

موتت عز يحياها إتحصل وين

يو عيش اليسر كلب اليهودك

بهاي التضحيه لحسين نخدم

وبهالتضحيه أنول المعالي

لا يحسين للذل ما يسلم

كل اليدعي الشخصك موالى

هذا اللي حجيتته وعاد اختم

وصيحن يا حسين بصوت عالي

ابميلادك نهني الدين يحسين

وبمصابك نعزي الهادي جدك

من شالك وشمك دمعت العين

لاجت لجن سالت فوك خدك

ففي عيد الخدير

اهل فن الأدب وارباب الشعور
اليوم رفعت للسلام اعلامها
تحتفل بسم الحمل مشعل النور
حيدر البي كمل دين السلامها

اليوم حك اهل المجارم تحتفل
وحك يفرد بالهنه غريدها
تحتفل بسم الوضع نهج العدل
وحك تعيد والمبارك عيدها
وبي تهني المصطفى سيد الرسل
وخل يصل للسا السابع ويدها

وتهتف فالتحيا بمحطم الجور
وخطة الحك والعدل رسامها

والاحرار الحكمت بكل العصور

خذت من حكم الصميدة احكامها

أنجان بالعالم دوه صوت السلم
والاحرار تنعمت بحكوكها
ياهو حررها انشد من اهل العلم
وياهو حطم كيد ذلها وطوكها
لون ما نهجك يبو الحمله الشهم
جا تحتها الضلم صار وفوكها

صرت للاحرار يا ساكن الطور

مثل بالحققت كل احلامها

يا علي منهجك كنطرت العبور

العبر بيه يخلص من اعدامها

يا علي منهجك قاعده السلام
لليريد السلم والعز والضمفر
واحنه من منهجك نترجه النضام
نهج سلمى وسالم وما بي خطر

أخذ من منهج علي عين المرام
والسعادة بجانبه طول الدهر

هاي خطة حيدر الحر الجسور

الحيرت كتابها وعلامها

والاحرار اشاما تقدم دور دور

تشوف خطة حيدر جدامها

خوش منهج نهج جشاف الكرب
نهج اصلاح او على إكل الادوار
ذهل كتاب الأعاجم والعرب
وبعد جم عالم بعالم بي إحتار
نهج ديني وفرعه حربه وادب
ومنه صارت لو جنت تسمع أحرار

انجان بالعالم وجد حر غيور

يزيل عن هاي الحقيقة الثامها

يبين الأهل الأرض وأهل البحور

نهج حيدر والتخالف لامها

اخذ نهج المرتضى وخذ سيرته
وادرس احكامه ابصيره وفاكره
وطبق دروسك ابعمه وهل اتى
تشوف جنك لبو حسين ابعاصره
لچن غض النظر عن كل بيعته
والفدير اشصار بيه وما جره

تهيج الساكن وتجرح بالصدر

والدليل يذوب من آلامها

اشلون اكلون اشلون تتدار الأمور

الناس ما سجدت لغير اصنامها

والله يا بيعة علي بيوم الفدير
اصل صارت للنوايب والظلم
علي بأمر الله على الأمة أمير
اشلون چا للغير يندار الحكم
هاي ما يقبلها كل صاحب ضمير
وصارت على الدين والعالم جرم

الامرہ تالیہا لصحاب الفجور

والاکرام إتجمت بالجامہا

والحکم بید الربیع طوبیہ ویدور

الدين كوض لو بکہ موہامہا

اردک اکول اشصابہم وشحصلوا

غیر لبس العار والذل والفضل

وشبکہ بیدیارہم من ارحلوا

طیب ما مش لچن ورد واعالوجل

وعن علی اهل المعالم عللوا

کالو ایلوک العلی خیر العمل

وبعد وی خیر العمل کالو صبور

عالمجربات وصعب ایامہا

وبعد کالوا لعد کل مرعوب سور

حیدر ویوم الشدد وہامہا

تمت

زينب على التل

زينب على التل اوجبت صاحت يعطشان
انهض يخويه اختك تراهه بين عدوان

وكفت على التل صوتت يحسين يحسين
اكعد يخويه الخيل وصلت للصواوين
وكامو يخرجون الخيام على النساوين
والحرم هجت حين ما شبت النيران

يحسين يبن امي الخيم بالنار وجت
والحرم هجت ما دريب اشلون هجت
واطفالك من النار ومن الخيل سجت
اكعد وشوف الخيل تسحك على الرضعان

فريت ليك مذعره يا نور عيناى

وانت يخويه وينك او وين الحچي وياي
ياللي كظيت وناشفه رياكك على الماي
فوكَ العطش تلعب عليك الخيل ميدان

زينب يا أبا الفضل

زينب تصيح بوصتها والدمع غدران
من رخصة العباس اريد اوصل الميدان

من رخصة لعباس اريد اوصل الحومه
اوصل لبو فاضل وشوفن شني علومه
خاف على شاطي العلكمي اخذته النومه
عباس اخويه وعافني ما بين عدوان

زينب تصيح ارد اوصل العزي ووليي
يهل الرحم وينه اليدليني على خيي
من عكب فيه يهالوادم بيش افيي
والكوم ساعه تهجم وتحرج الصيوان

يا ناس والله تحيرت شرتكب يا راى

بدر الهواشم ما رجع من راح للماي
وينه اليديني عليه ويمشي وياي
عباس اخويه وارد اخبره الطفل عطشان

وين اليديني على بدر العشيره
عندي بصيره وبه الولي وارد استشيره
يرضه خواته محيره صاحب الغيره
وراس المشد بالنوح يا جلة الوليان

وين اليديني بطريح العلكمي منين
عباس اريد ابصره عن النساوين
من عكب عينه هالحريم وجوهه وين
بالچن يديني على رايه ليث الاكوان

چنه يجاوبها يزيب لا تجيني
ما ريدچ اتشوفين راسي وسهم عيني
ولا اريدچ اتشوفين يسراي ويميني

لا ينصدع كلبج يزئبب يام الاحزان

ردت عليه وتصيح بالدكيت صدرك

تحمي الضعينه يبن ابوي وجيت بمرك

يالنايم على العلكمي اختك تعذرك

ماكصرت دون الخدر يا بدر عدنان

حميده بنت مسلم ؑ

تده حميده والكلب يلتهب نيران
چنك على عودي يعمي حسين حزنان

يحسين يا عمي تكله وتجري العيون
من عادت اللي عن منازلهم يغيبون
لا بد يعمي عن اهاليهم ينشدون
ويوجدوهم حلوا أيبا دار ومجان

يحسين يا عمي ومن عادت الغياب
لو غربو عن الديار وعدهم احباب
يو طارش يودون يو لا قطعة اكتاب
بس والدي وماكول عنده بهاي نسيان

الرسول الأعظم ﷺ

اليوم السمه يمطر دمه والكون حزان
من صاح ناعي الحزن كوض سيد الاكوان

يا ريت ناعي الحزن لا صوت أبفر كاه
ويا ريت هذا الكون وشما بيه يفداه
احاه والزهره بكت بالوجل احاه
وعيونها لفراك ابوها تسيل غدران

تده يبويه على فراكك ذاب جبدي
يا والدي والدمع يجري فوك خدي
يا والدي والحسن ينشد وين جدي
وهذا الحسين الشوفتك يا بوي لهفان

عنك ينشدوني يبويه الحسن وحسين

يا والده يكولون جدنه المصطفى وين
اسمعهم وانحب وصاحو ليش تبجين
خاف انفكد جدنه وذل بوجوهم بان

يا والده خاف انفكد جدنه دكولي
وبطليّ الونه والدموعج لا تسيلي
انفكد جدكم صاحت وصاحو يويلي
راح الذي يعطف عليه كل وكت چان

صاح الحسن يا والده والعين عبره
يا والده كوميّ ودلينه اعلى كبره
كام الحسن وحسين وبه امهم الزهره
بيچون وينادون يا فرحة العدوان

وصلو لعد كبر النبي وصاحو يجدنه
اكد يجدنه لا تخلينه وحدنه
يا جد علي فراكك صبر لتكول عدنه

يا جدنه كوم الله واكبر صاح الودان

نصبو المآتم فوك كبره والدمع سال

وحيدر سمع ذيچ النياحه أوصوت وكال

الفرح والعز شال من يوم النبي شال

واتبدل العز والفرح بالوان الاحزان

حيدر غده يهود على الزهره الشفيعه

هاي الوديعة من النبي ونعم الوديعة

ضاكت علي بفراك ابو الزهره الوسيعه

والله ما تتحمل يا فركة الخوان

والد حسين وحسن اه اشلون حاله

عوان بعد النبي الهادي ما بكاله

ويوم القدير انفرد واصبح ذچر ماله

أنكر وثمانين الف حاضر شاهد اعيان

فاطمة الزهراء عليها السلام

يا عين خل دمعك يكت عالوجن جروان
علتي كبرها من الأرض ما تلع وبان

إجري الدمع يا عين لمصاب الزجيه
الكوم اعتوها عكب ابوها للثيّه
لاچن يمن تشد شجوها شلون جيه
والله ما اكدر شسولف مالي السان

احا شسولف عن هضميتها وخبرها
نبت البسمار ابصدرها من عصرها
طاحت أوطاح الحسن وحسين أبكترها
يحامون عن امهم ومخطوفين الألوان

وحست الزهره ولنها تنده ابفضه

محسن سكت مني وبعد تصعب الرضه
شكواي لله اشلون اكلول أبهاي يرضه
اكسر وضلعي واسكتوني ذنبي اشجان

وحين اطعلوا بالمرتضى ما اكلول مچتوف
مرو على الزهره الزجيه وعينها تشوف
ولون الحسن وحسين من الرعب مخطوف
وامهم الزهره حيلها من التعب نحلان

وللمسجد أبلوعه وره الكرار راحت
الظهر محني وعالارض كلساع طاحت
من شافت الكرار ها ياكوم صاحت
يا كوم خلو عن ولينه ليث الأكوان

طلعت تصيح وفسرت كل كلب جاسي
خلو بن عمي اوصوتها أيهد الرواسي
يا كوم ما تدرون لو چشفت راسي

اجلب يكوم الكون وشما بيه سكان

همت تجشف راسها بضعة نبيه

وزلزال وي ربح الغضب حل بالمدينه

والكوم لاذو بالوصي ليث العرينه

حين التغير كونها وتدميرهم حان

حيدر علي الكرار من شاهد الضلمه

صد ونده سلمان كله اسرع بهمه

يام حسن كلها والدج للكون رحمه

مرسول من الله وأمان الانس والجان

رڪباني .. الإمام علي ؑ

بالله بالله عالنبي صلوعشاك
والعاشك المصطفى كلبه دليله

واللي لعند النبي عشاك صداك
ذاك اهو معلقك حامي دخيله

ريف الارامل ولللايتام شفاك
عيشك رغيده وهني بالتتميله

ها بالمخالف شما تريع بالنياك
وايامك شما زهت ضلمه وجليله

مذهول يوم تلف الساك بالساك
عين مكره لضمه يو واد ويله

وحادي المنايه بنا لو طوح وساك

عن دار خربانها وعلن رحيله

بحماك يا بو الحسن من يوم الفراك

وانشا الله بيك الدواهي سهيله

بيك الموالي يمير النحل وثاك

رجواه بيك اتحضره وتحميله

وحين اليصل حفرته انت له رفاك

وعدما يسألونه الاملاك انت إتحيله

وتثبت اجدام اله ساعات الازلاك

ونعوذ بالله من اجدام الزليله

خوذ الصحيح من الصحاح الست للرفاك

وشوف اشبها من المچارم والفضيله

ينبيك معنى الوصي ونوره البراك

وطروس بسمه أتهتف كثره أوجليله

هذا ابو حسين وحسن آية الرزاك

ياالمرضيت انصف وعين جليله

لوله الوصي وصارمه دين الله ما فاك

كل الاديان وبعد جزيه اتعطيله

ول يلحجا ياك كلها بالطلاك

وشما حده حادي الشرح تعتيله

تصل وتشوف الحشر للعكل سراك

والمرتضى للخلد يحدي وبرعيله

رڪبائيه ... الزامام علي ﷺ

بديت بسم الله عظيم باسماء

رب على عرش الجلاله تسامه

وصليت علامصطفى والباري حياه

وآل النبي حبيبتهم كوم كرامه

يا محله يوم غدیر ويوم وصاه

ويوم ديننا تم بتمامه

يوم جمعها النبي والحر آذاه

وكوم النبي ما درت وشوه مرامه

وصوت الهادي وكال الله الله

نصب عليكم علي وثبت احكامه

هذا عليّ يكوم الرب علاه
والرب يا كوم خصه بالزعامه

حيدر وكلمن والانبي والاه
والخالفه خالف الرب ونضامه

يا من تسل عن ابو حسين لولاه
ما چانت افلاكها تسير بنضامه

هذا الذي كوم التواليه ترجاه
بيوم الشدايد ويوم تكوم الكيامه

العلم ذاك اليوم يخفج بيمناه
وكوم التوده ما تشوف الندامه

وعد ما يخيم عليه الكرب ننخاه
وللكرب ما من غيرك زراك الرخامه

ولو نازل الكوم ما حيدر تلكاه

وما عنز بيوم ماركه بصرح النعامه

واللي تغناه ما كولن تغناه

كصدر وكولن كرب يومه وحمامه

حيدر تهابه النبي طبك تهياه

بس النبي وخالجه خابر مكامه

يوم مبارك يوم نحف بالواه

وياساعة مباركته نحضه ابوسامه

يالايمي عن ابو حسين ومزاياه

ماني معاك برشد كف الملامه

الإمام علي عليه السلام

اللَّهُ مَحِييُكُمْ يَوْمَ
الْيَأْتِسُ مَعُونَ الرَّشِيدِ
اللَّيْلِ طَابَ وَيِ النَّسُومِ
يَا اللَّهُ نَتَسَامِرُ بِالْكَصِيدِ
حَيْدَرُهُ حُبُّهُ لِنُزُومِ
الْمَارِضَةِ بِحُبِّهِ عَنِيدِ
حَلَوِ الشَّمَائِلِ وَالرَّسُومِ
الْيَا أَيُّهَا الرِّبِّ وَلِيدِ
بِالْحَرْبِ ضَحَاكَ أَوْبَسُومِ
يَطْرَبُ عَلَى صَوْتِ الْحَدِيدِ
يَوْمَ تَكَلَّطَ لِلْعَزُومِ
وَصَاجِعَهُ وَبَهَا الرِّعِيدِ
وَلَوْ عَلَى الْعَسْكَرِ يَحُومِ
اتْعَيشِ مَا طَارَدَ شَرِيدِ

عظ المسامي والكروم
حياه ذو باسٍ شديد
اللي يكع واللي يكوم
واللي نحير من الوريد
غوجه يعدي فوك الجسموم
الميت فوك الحي وسيد
السيل اجاك من الدموم
عالي السدايد بالجديد
يا عاذلي مالك تلموم
لومك مع الحر أشيفيد
حيدر على صحابه رحوم
اللي جريبه والبعيد
باب المدينة من العلوم
يا والد حسين الشهيد
يوم تصل ليه مهموم
ومن توصله كول اشتريد

يزيل همك والغيوم

من توصل الوادي وفيد

احياه من يوم مشؤم

يوم به الهادي فجيد

السامري وعجله الغشوم

وصار ولها صطه وجعيد

جن ما در نار وسموم

موار دهم يوم الوعيد

تمت

رَكْبَانِيَّةُ الْعَلِيلَةِ عَلَيْهِ السَّلَامُ

يَا رَاكِباً الَّذِي فَوْكَ سَبَاكَةَ الرِّيحِ
خُودِ الْعِمَامِي أَوْلَبُوي حَسِينِ كَرطَاسِ
وَكُولِ الْعَلِيلَةِ فَاطِمَةَ تَكُومِ وَتَطِيحِ
وَبِفِرَاكِ أَهْلِهَا لِأَوِيهِ الْجَيِّدِ وَالرَّاسِ
وَتَكُولِهِمْ فَاطِمَةَ لَوْ جَسَمَهَا صَحِيحِ
بَدْرِيَاكُمْ تَبْكُهُ يَطِيبِينَ لَا بَاسِ
يَا طَارِشِي أَرْمِحِ بِالْكِتَابِ تَرْمِيحِ
بِالْخَيْرِ وَالشَّرِّ ضَامِرِهِ الْحَرَّ حَسَّاسِ
وَشُوفَنِي وَكُولِ الْوَالِدِي حَسِينِ تَفْصِيحِ
الْمَايِرْحَمُوهُ هَلْهُ مَا تَرَحَّمَهُ النَّاسِ
حَيْلِي رَكْدَ بَفِرَاكِهِمْ وَشُوفِي فِي أَشْحِيحِ
بَثْنِينَ صَرْتِ بَوَاهِمِهِ وَبَيْنَ وَهَوَاسِ
يَا طَارِشِي عَبْرِ النَّوَاوِيسِ وَتَصِيحِ
وَيَنْ الْمَذَارِبِ النَّشَامِهِ وَيَنْ عَبَّاسِ

أبوذيات

بيو فاضل ولوني عداك بدراك
و حال اختك عكب عيناك بدراك
على شاطي العلكمي من غاب بدراك
صحت راح الخدر سوده عليه

بيو فاضل لجل دينك ودياك
بجهادك يفتخر عودك ودياك
راسك وي سهم عينك ودياك
بيو فاضل الخدر إختك هديه

أنتبهنه عكب ما تهنه وضعنه
وتحسن بسم ابو فاضل وضعنه
ذاك الحفض خدر اخته وضعنه
الحوه كل الخصال الحيدريه

يجاسم چبدتي أفراكك جزاها
وروحي لوم كل لايم جزاها
التربي الولد تتطر جزاها
وانه ابني ذبيح بين اديه

شجاك تهدمت للكاع بيناي
شبيدي للطفوف الدهر بيناي
امك وتعبت برباك بيناني
تذبني بكربلا مجزاك اليه

يمن برباك ضيم وسهر ونهام
شفت وعليك مدري العكل ونهام
وين اهل المروه صحت وينهام
راح بيني عالي سوده عليه

آيبني العليڪ الـدمع ليلاي
ومن تجبل يصيح الكلب ليلاي
أريد أرباي يبني وسهر ليلاي
منك يا شـباب الغاضـريه

يالتوصل هـلي وتـزور حـيهم
بني هاشم بدمع العين حـيهم
ولحمد بوجهه تصيح حـيهم
اختك واجفه بـديوان أميه

يخويه من الشماته حيود چانت
ولون غيرك وحشم بيه چانت
ما تشد على اختك وين چانت
وچم ديوان طببت ليه سـبيه

مهـي زـينـب يـحـادـيـهـا وـنـلـهـا
صـبـر لـفـرـاـك وـلـيـاـهـا وـنـلـهـا
مـا تـمـسـع بـوـاـجـيـهـا وـنـلـهـا
وـهـي عـلـى الـهـزـل بـت الـزـجـيـه

أشـم نـحـرك يـخـويـه جـيـت وشميت
رـيـح اـمـي وـعـدـوي اـرـتـاـح وشميت
أـمـت بـهـرـوش كـلـبـي كـمـت وشميت
تـكـطـيـع عـلـى هـظـم المـر عـلـيـه

بـنـار الـيـسـر يـمـحـمـد وـجـيـنـه
وـرـاـح الجـان سـور النـه وـجـيـنـه
سـبـونـه وـسـلـبـو حـنـه وـجـيـنـه
نـشـجـيـك مـرـار الفـاـضـرـيـه

عليّ تربيّ الدواهي وليتامه
كصت بيّه او ولتني وليتامه
هالليله الارامل وليتامه
تودع حيدر وداع المنيه

علامه اوليه تهب وتعصف يراح
وشعندج مچدره شبيچ يراح
جابو للصميده أتكول يراح
ينبينه بفكد حامى الحميه

وحك البيت وشما ناس بالبيت
وغيرال النبي ما أود بالبيت
بالبيت انولد وانصاب بالبيت
منو غيرك يحمىاي الحميه

يحيدر فضلك على الناس يا عال
ومن غيرك بها الايتام يا عال
حين الطحت بالمحراب يا عال
حسبته العرش طاح على الوطيه

فاطمة الزهراء عليها السلام

يحيدر ليه تسيل الدمع وتوين
وعن فاطم تغض النظر وتوين
حكك شفت كسر الضلع وتوين
يوم اللي عصرها بن الدعيه

اخبار امك يغايب ليك ماتت
وهي لهروش كلب المحب ماتت
وحك جدك وابوك الطهر ماتت
ودم الضلع يجري على الوطيه

المهاديد...! النعي...

رؤية الهلال ...

لعد ناظري من لاح الهلال
كلبي رجف وتغير الحال
شفته وصحت مال الدهر مال
باجر يكولون الضعن شال
وانه اليكفوني بالعيال
واتكلف بخدر والاطفال
فراك اخوتي يا ناس چتال

وصول زينب إلى كربلاء

حين الوصلت الغاضريه
بان الهظم والذل عليه
وبجيت وصحت يبن الزجيه
يحسين هاي اشلون جيّه
اخاف اخوتي تروح من أديه
وعكب الخدر اصبح سبيه

زينب مع الانصار

زينب تصيح وتجري العيون
ينصار أبو اليمه أشتكولون
بسمكم هالا طفال إيتخون
يردونكم للماي ترحون
عطاشه ومنكم ماي يردون
ومن العطش ساعه ويموتون
بالماي اسرعو موش تبطون
بلكي على عبد الله تلحكون
وبعد عن خدر زينب تحامون
بوجودكم كل كلب مامون
يكرام لاكلن من تغيبون
بالخدر ينصار الوفه شلون

فاطمة العليّة..!

اليوم الكلب يا بوي غيم
عليك وركن صبري تهدم
وعلى فركتك عيني تهمل دم
كتلني المرض والهجر والهيم
وما واحد بالحوال يهتم
والمثل حالي شلون تسلم
يمته تجنون الله يعلم

يا بوي من يوم الضعن سار
للعراك حط بالكلب بسمار
وفراككم وج بالكلب نار
ومدري على بوي شصار ما صار
والدهر بالطيبين غدار
يا والدي تيهت الافكار

بضيفك لمن يجبل على الدار
ويصيح يهل الدار خطار
شئني العذر والعكل محتار

أم البنين...

يناعي المدينة من تصالها
هل دمك وصيح أبنزلها
وبالحسين اريد أتعزي اهلها
ولو عرضة ام عباس كألها
خافن تشدك عن شبلها
الله عليك تسولها
شبول السچ ما من مثلها
بطف كربلا أتعين كتالها
من تسمع الحره الولها
أتكلك ودمعتها تالها
اولاد السبي والناس كالها
فدوه لبن سيد رسالها
عمله الدهر بينه عملها
ايد الكرم والجود شالها

ام البنين تطيح وتكوم
خلف الضعن والكلب مالوم
وتتده ودمع العين مسجوم
على حسين عيني محاربه النوم
يعباس يوليدي يجيـدوم
اخافن بخيك تفدر الكوم
وينذبح ومن الماي محروم
اريدك تسوي بكر بلا يوم
ليوم الحشر بي تاخذ أعلوم
عن وجه اخوك أتزيل الهموم
وتحفظ خدر زينب وكثوم
يعباس يالما تحمل اللوم
ما اريد يبني إيفوتك السوم

يعباس تانييني ارد احاجيك
امك والي حك الربيه أعليك
بالحسين ما يحتاج اوصيك

وخواتك خدرهن بالله وبيك
يحمي الضلعن الله يحميك
والله الخدر زينب يخليك

يحسين كالي وين منواك
والياكثر يحسين مسراك
يحسين مالي حيل فركاك
اخذت الكلب يحسين وياك
تره اديارنه وحشه بلاياك

ليلى ام علي الأكبر ...

اجت شايطه وشبكت ولدها
والولد قطعاه من كبدها
اوچبت عىد راسه تندها
ياللى جبتهها كوم ردها
امك تداعيك بجهدها
تكلك وتدمي عليك خدها
توره خلتك محىد يسدها
يا بدر عزها ويا سعدها
أشخليت يا مدلول عدها

يبني علي يالبحرب منعوت
اناديك ليه ما تسمع الصوت
يالولد ردتك ساعة الموت
وينشال بحضورك التباوت

ياللي كضيت بكربلا فوت
مبطل عليك النوح للموت

اشلون اسـتـكن ويهيـدونـي
على بني الليالي البي جوني
واحد وباكه البين مـني
كبل كربلا ميته عسني
وعكب الولد لا ضحك سني

انه امك واريـد اتودع وياك
دريـض يمـن روحي فداياك
انه بخيمتي ارد اكعد اتناك
تره خيمتي توحش بالاياك
حسبتك عليه تخلف ارباك
وين الربيه اوين التعب ذاك

شباب الطف ... القاسم بن الحسن

ام الولد يرجف بدنها
والنوم ما مر بجفنها
حسّبت لن تامر وتنها
وتفرح الحره بعرس ابنها
ليالي الدهر وليه ولنها
بسهام فكده صوبنها
بس هالشباب وراح منها
تون ويفسر الصخر ونها
اويلاه عكب الولد لنها
ويه الغرب غرب ضعنها

يبني الكبر سني ضخرتك
ولنازعي بالموت ردتك
وانت التفسلني حسبتك

بجاسم عسه لا چان شفتك
مخظبه بدمك وجنتك
حسبتك عدل وفرح بزفتك
وهل هل يجاسم يوم عرسك
حظرتك عساني لا حظرتك
شفت يا بسه من العطش شفتك
واعرفت العطش ذوب چبدتك
يبني يجسام على بختك
لش اقطعت بهك وبختك

أم الرضيع ...!

أم الرضيع اشلون اجت ليه
تشبكه وثديها ليه تدنيه
وتشمه وتحب نحره وتحاچيه
يالولد مهدك وين اوديه
ينصدع كلبي من اصد ليه
راح العزيز الكنت اناغيه
الكلب عكبك بيش اسليه
حكها رضيع ولايجه عليه
واليسمع بواچيهها تبچيه
يبني العمر بعدك شلي بيه

الوداع يا ليل الوداع ...!

طـولي بهاللياليه عليه علينيه
خل شوف نشبع من ولينه
ونحاجي وخل يسمع حجينه
بلكن يردنه للمدينه
تره الكوم بس اتغمض عينه
تهجم فرد هجمه عليه
ارد اوصل الحامي الضعيفه
وياي اريد اخذ سكينه
وحط يمنة سكينه ابيمينه
اهو الجانبه وكتلف بينه

ليله وداع اللياليه يحسين
هاله هاله بهالنساوين
بس هالمسيه العين بالعين

وبأجر يـحـرـجـون الصـواوين
وبأجر يـرـوعـون النـسـاوين
جـنـهم يـطـلـبـون الحـرم دـين
غـرايـب واهـاليهن بـعـيـدين

ويـاي اخـوتي سـواد هـالـليل
وبأجر عـلـيه تـهـجـم الخـيل
واضـل حـايـره وبـس دـمـعـتي تـسـيل
يـفـراك اخـوتي أيـهـدم الحـيل

قصر العشرة ... أبي الفضل ...

يعباس ماني جيت وياك
وعلى محملي يرف بيدك الواك
ابوي الصميدة بهاي وصاك
ضخرناك للكافه ضخرناك
بيدر السلف والسلف بحماك
حاشاك ما كصرت حاشاك
لونها تلوح السيف يمناك
عالكمي ما كان عفناك
وچا ما مشينه بولية عداك

يعباس ماني اختك وجيتك
يالمرهب العدو ان صيترك
لتلومني حاك اعنتيتك
سالم يخويه تمنيتك
وتشوف العدو داسة ثيتك

يبن والدي چا شنهى نيتك
انه ميسره ترضه حميتك

يعباس يالديكيت صدرك
تحمي الضعينه وجيت بمرك
على هظمتي والله معذرك
ولو رايتك طاحت بكترك
يبن والدي جيت ارد اخبرك
انه ميسره ماضن يسرك
بهاي اكولن شنهى عذرك

يالنايم على العلكمي كوم
أمن كلب زينب وكاثوم
يعباس ماهي ساعة النوم
وعلى حسين اخيك دارت الكوم
ياضنوة علي ياحر يجيدوم
يا من بيوم الحرب معلوم
انت الضخيره المثل هاليوم

زينب واليوم العاشر ...

يحسين جيتك فاجده الراي
ومن الرعب تتراجف اعضاي
وانتحب وتعثر بممشاي
اجيت وعليه عداي توماي
ينادون هاي ام الخدر هاي
اخت الذبيح الما شرب ماي
اجيت اعتذر يا نور عيناي
اجيت ومجبت الحرم وياي
عكلي انشده من عظم بلواي
وتغيرت من هجمت اعداي

زينب تصيح بكلب عطاب
اتحيرت بيديار الاجناب
كل الوسف خواني غياب

والنار شـبـوها بالاطناب
من محنتي مني الكلب ذاب
لمصـيـبتي حتى الطفل شاب
أشـعـطـلك يا داـحـي الـابـواب
انهض وسوي على العده أظراب
أوجيب الحسن وياك طلاب
ان ما تجي هذا اكبر صواب
اضلن انوح بدمع شـجـاب
ترضه بناتك تفرح اجناب

وينه العلينه اليوم ينفر
انخاه نخوه اولاً يتعذر
يصل النجف والفجر ماطر
وينده يداحي باب خيبر
هذا كتاب من زينب يحيدر
ويخبّره أبهجمة العسكر
ويد الحرم بالخيم كبر

واطفالنا طشار بالبر
ويكله شبعد من هاي شكتر
ضعن الحرم للشام كوطر
يا حاطر الشدات تكدر
عد زينب بها الساع تحظر

على ام الحزن من چلچل الليل
طلعت تعثر بالمجاتيل
تدور على خوها السحكته الخيل
صاحت ودم أدموعها أتسيل
يحسين والله إتهدم الحيل
وعنك يخويه باجر إنشيل
يا هو اليركب هامداليل
ويعدل المحامل لمن تميل
علاني الهظم عكب البهاليل

زينب في الحادي عشر ...!

يحادي الضعن شتريد مني
ارشد ويم حسين خلني
ابي أعاتبه عليمن تچني
وعا لعلكمي طاح الكفلني
عكب اخوتي لا ضحك سني

يا مشيتي اويه الغرب كلفه
بطريج الذي ما كنت اعرفه
وراح اليـدخن عَليّ كتفه
لون سيف ابو فاضل أبچتفه
چاما ضغنه شال وكفه
يا حيف والله والـف وسفه
انه الرييت بدار عفه
ضغني بني ميه تحفه

اجت حايـره او وكفت على التل
حرمه وعكـلها ما تزلزل
صاحت يمن للضيف منهـل
لخامنـا العسـكر توصل
يخويه ومثل ما راد حصل
وما ضن عليّ كلبك تبدل

إلى الشام ... !

يحسب زينب من عفتها
لشام دولها وكتها
واليوم اجبت ياللدلتها
تلكك وصيتك نفلذتها
والعيال يبن امي أحفظتها
وهالساع يم كبرك جبتها
وعن طفلك لوناشدتها
يختي اليتيمه ما شففتها
تلكك ودمعتها تكتها
بالشام يبن امي إدفتتها

الدهر لم الحزن ردها
لخوها وعلى عياله نشدها
صاحت ودمعتها على خدها

الشام لعيالك مردها
ولعد طفلك كطع كبدها
بطشت الذهب تايه رشدها
لكت راسك أوكرب وعدها
يحسين حاظريت عدها
وانت التزلها ابلحدها
وتشوف الحبل ورم زندها

عودت زينب من سرها
لرض كربلا وكوض صبرها
وللعلمي كصدت ضخرها
والعيال تتلاعبه ايكترها
صاحت يبن فارس بدرها
اختك فلا يجبر كسرهما
ذيچ الجنة حارس خدرها
للشام دولبهها دهرها

صوتت بت حاطر الشدات
وبالهم كلبها والوجل بات
عسه بالهجم بلدت الشامات
إشكثري بها شفت شوغات
ضليت اون وانده بالاصوات
لحد يهاشم ثاركم فات
ترضون يا مردم الكلفات
بديوان اميه الفاطميات

الإمام أمير المؤمنين ... !

زينب تصيح بدمع سجام
يا والدي بمجسر الاصنام
يمشيد إبيك الإسلام
يبويه أظفرت والناس صيام
حكك كلف جرحك يضرغام
لا جن يمن بالحرب وهام
عكبك لوين وجبوه الايتام
الليله سهرت ما تكدر أتمام
احنه بحزن والعيد بالشام

اليوم الكلب يجرح لهيبه
ومست بني هاشم بريبه
وخوي الحسن عالي نحيبه
ويصيح والدمعه سجيبه

حس بالخطر واعلن طبيبه
ابوكم أبها اللياله مغيبه
تره ساعة افراگه جريبه
اويلا على الفارك حبيبه

زينب تون والعين عبره
اجت للحسن كعدت بكتره
تكله يشمامة الزهره
دليني ابويه وين كبره
يخويه ارد اروحن ليه وخبره
اليتامه عكب عينه مسهره
صطرنه الزمان اشلون صطره
والدهر ما ينجبر كسره

هل هل يدمعي وياكلب ذوب
على الطاح بالمحراب مصيوب
سيف الوصل چشاف الكروب

تره من الهواشم كقطع كلوب
الليله اليتامه تلوج وتلوب
ولبسة عليك من الحزن ثوب

يشيال نعيش ابوي تاني
ابي اعاتبه ويكسر لساني
وكله الهضم هذا الدهاني
من كسر ضلع امي لفاني
واليوم اجاني صواب ثاني
فكد والدي غير الواني

فاطمة الزهراء

اوپلا على الكسرو ضلعها
ويه الدمه يجري دمعها
لعد دارها الضالم تبعها
وره الباب تحجي من سمعها
تعمد على الباب ودفعها
ونبت البسـمار بضلعها
وتبجي على والدها ومنعها
وشجرة بواجيها كطعها

يا طارشي به سراك عجل
توصل الوادي النجف وأنزل
يم كبر حامي الجار حول
وصيح بحزن ودموعك تهل
يحامي الحميه حسينك اجتل

وزينب علاها الهظم والذل
يسيرى من منزل المنزل

عندي اشبع ضل بعد ياليالي
بيت وصفه من الزلم خالي
اوضليت انه أبحسرت الوالي
غريبه وحال الظيم حالي
الوادم كبل تطلب انوالي
ابحال اخوتي والراس عالي
ما حسبت بالدهر تالي
يذلني ويخلي الدمع هالي

انه المحد سمع لليوم صوتي
وراح اشبع هظم بفراك اخوتي
ياريت كبل حسين موتي
ولا شوف العده تنهب ابيوتي

انه شايطه وانده بصوتي
يسمعوني ويفضون اخوتي
ياريت كبل حسين موتي
ولا شوف العده تنهب بيوتي

من عادت التفكد وليها
تجي الوادم تعزيها
مشنفه الذي تفكد ضويها
يخرجون خيمتها عليها
ويضربونها وتشكف بديها

وين الذي ينفر عينه
ويوصل لعد حامي الضعيفه
وانكان ما يعرف ولينه
العلامه السهم نابت بعينه
ويسراه مكطوعه ويمينه
وبالعمد راسه صايبيه

ياللي جبتته من المدينه
خلافك ييو الغيره انولينه
شوف الزمان إشعمل بينه
خلاك عالشاطي رهينته
انت طحت واحنه انسبينه

أبا اناشديج طوعه يعمه
عن والدي صاحب الهمه
من طاح يا هو الوصل يمه
لو حاظرين اولاد عمه
چا والدي ما ضع دمه
ولا سحبو على الكاع جسمه



المحتويات

٧	الاهداء
٩	ترجمة الشاعر
١٠	نسبه
١٠	ولادته
١٠	شاعريته
١٥	دموع تحت قوافي السباك
٢٠	زينب وخروجها من المدينة
٢٥	ليل الوداع
٢٨	قمر العشيّة وزينب
٣٣	ليل الوداع
٣٨	زينب يا أمير المؤمنين
٤٤	زينب في اليوم العاشر
٤٩	زينب ومرورها على مصارع القتلى
٥٤	زينب مع علي السجاد
٥٩	رجوع زينب إلى كربلاء
٦٤	شباب الطف القاسم <small>عليه السلام</small>
٦٨	علي الأكبر <small>عليه السلام</small>
٧٣	حميده بنت مسلم
٧٧	الامام الحسن <small>عليه السلام</small>
٨٠	فاطمة الزهراء <small>عليها السلام</small>
٩١	أبي الفضل

٩٣.....	خروج الحسين من المدينة
٩٨.....	الأنصار.....
١٠١.....	زينب ليلة العاشر.....
١١١.....	أمير المؤمنين <small>عليه السلام</small>
١١٦.....	ندبه للحجة <small>عليها السلام</small>
١٢٠.....	ندبه للحجه <small>عليها السلام</small>
١٢٧.....	مسلم بن عقيل سفير الحسين <small>عليه السلام</small>
١٣٣.....	مولد الحسين <small>عليه السلام</small>
١٣٨.....	في عيد الغدير.....
١٤٣.....	زينب على التل.....
١٤٥.....	زينب يا أبا الفضل.....
١٤٨.....	حميده بنت مسلم <small>عليها السلام</small>
١٤٩.....	الرسول الاعظم <small>عليه السلام</small>
١٥٢.....	فاطمة الزهراء <small>عليها السلام</small>
١٥٥.....	ركباني .. الإمام علي <small>عليه السلام</small>
١٥٨.....	ركبانيه ... الامام علي <small>عليه السلام</small>
١٦١.....	الإمام علي <small>عليه السلام</small>
١٦٤.....	ركبانية العليله <small>عليها السلام</small>
١٦٥.....	أبوذيات.....
١٧١.....	فاطمة الزهراء <small>عليها السلام</small>
١٧٢.....	المهاديد...! النعي.....
١٧٢.....	رؤية الهلال.....
١٧٣.....	وصول زينب إلى كربلاء.....
١٧٤.....	زينب مع الانصار.....
١٧٥.....	فاطمة العليله.....